

吳鞠通先生醫案

吳氏醫案序

醫之有案猶國之有史也治國者鑑於古代治亂興衰之故而後知所以爲政理民之道爲醫者察於昔人起疴拯危之神而後知所以治病用藥之方蓋皆積所經驗以傳諸後世而資其師法者也其爲書顧不重哉淮陰吳鞠通先生醫聲震海內蓋不特葉氏之高弟抑亦仲聖之功臣也生平著述有溫病條辨醫醫病書及吳氏醫案諸書而醫案尤先生畢生精力之所蓄萃今條辨旣傳布全國爲世寶貴而醫醫病書亦已由本社刊於去冬獨醫案一書向鮮傳本偶有鈔錄藏者亦秘不示人遂使先生數十年經驗之良模不獲見知於世寧不惜哉三十年前余曾向下灶胡氏處假錄一通常置案頭用資師法友人見者均嘆爲良書轉相傳鈔幾於日不暇給同社友吉生裴君有刊行醫藥叢書之舉欲將此籍收入之以廣其傳因詳加校讎而付之夫傳播古籍以嘉惠後學吾人之責也若謂表章先賢則吾豈敢至案中有用過重處僉謂刊時可

刪去此余期期以謂不可蓋刊行古書須存古書真面俾後學得窺遐澤凡書
內之或是或非應在讀者各自加其主見倘妄行編次隨意割截不若自行著
作何必借古人之名而滅古人之實逞一己之私而貽後人之憾耶

丙辰二月後學高德僧汝賢謹序

吳鞠通先生醫案 卷一

目錄

暑 溫	伏 暑	溼 溫	中 燥	瘧 疾	冬 溫	傷 寒
-----	-----	-----	-----	-----	-----	-----

吳鞠通先生醫案卷一

後學 高德僧汝
表吉生慶元校刊

暑溫

壬戌六月廿二日 暑溫邪傳心包譫語神昏右脈洪大數實而模糊勢甚危險

連翹 六錢 生石膏 一兩 麥冬 六錢 銀花 八錢 細生地 六錢 知母 五錢 元參

六錢 生甘草 三錢 竹葉 三錢 煮成三碗分三次服牛黃丸二丸 紫雪丹三

錢 另服

七月初一日 溫邪入心包絡神昏癰厥極重之症

連翹 三錢 生石膏 六錢 麥冬 連心五錢 銀花 五錢 細生地 五錢 知母 二錢

丹皮 三錢 生甘草 一錢五分 竹葉 二錢

今晚一帖明早一帖再服紫雪丹 四錢

壬戌七月十五日 世人悉以羌防柴葛治四時雜感竟謂天地有冬而無夏不
十四日 周二歲 亦免哉以致暑邪不解深入血分成厥衄血不止夜間煩躁勢已膠鋼難
解焉得速功

飛滑石 三錢 犀角 三錢 冬桑葉 三錢 羚羊角 三錢 元參 五錢 鮮蘆根 一兩
細生地 五錢 丹皮 五錢 鮮荷葉邊 一張 杏仁泥 三錢 今晚一帖明早一帖

日十五 厥與熱似乎稍緩據云夜間煩躁亦減是其佳處但脈弦細沉數非痊厥

所宜急育陰而戀陽復鹹以制厥法

生地 六錢 生鱉甲 六錢 犀角 三錢 元參 六錢 羚羊角 三錢 丹皮 三錢 麥冬
連心八錢 生白芍 四錢 桑葉 三錢 日服二帖

日十六 脈之弦剛者大覺和緩沈者已起是為起色但熱病本屬傷陰況醫者誤

以傷寒溫燥藥五六帖之多無怪乎舌苔燥如草也議啟腎液法

元參 一兩 天冬 三錢 丹皮 五錢 沙參 三錢 麥冬 五錢 銀花 三錢 犀角 三錢 鱉

甲 八錢 桑葉 二錢 日服三帖

十 卽於前方內加細生地 六錢 連翹 一錢五分 鮮荷葉邊 三錢 再按暑熱之

邪深入下焦血分身半以下地氣主之熱來甚於上焦豈非熱邪深入之
明徵乎必借芳香以爲搜邪之用不然恐日久膠錮之邪一時難解也一
日熱邪不解則真陰正氣日虧一日矣此紫雪丹之必不可少也

紫雪丹 一錢五分 分三次服

十八 厥已回面赤舌苔乾黑芒刺脈沈數有力十餘日不大便皆下症也人雖

虛然亦可以調胃承氣湯小和之

大黃 生五錢 元明粉 冲三錢 甘草 生三錢

先用一半煎一茶盃緩緩服俟夜間不便再服下半劑服前方半劑卽解
黑大便許多
便後用此方

麥冬 一兩 大生地 一兩 鱉甲 一兩 白芍 六錢

十九日 大下宿糞若許舌苔化而未滋潤脈仍洪數微有潮熱除存陰無二法

沙參 三錢 大生地 一兩 鱉甲 五錢 麥冬 六錢 生白芍 六錢 牡蠣 五錢 天冬

三錢 炙甘草 三錢 丹皮 四錢 日服二帖

廿一日 小便短而赤甚微咳面微赤尺脈仍有動數之象讓甘潤益下以治虛熱

少復苦味以治不盡之實邪且甘苦合化陰氣而利小便也按甘苦合化陰氣利小便法舉世不知在溫熱門中誠為利小便之上上妙法蓋熱傷陰液小便無由而生故以甘潤益水之源小腸火腑非苦不通為邪熱所阻故以苦藥瀉小腸而退邪熱甘得苦則不呆滯苦得甘則不剛燥合而成功也

生鱉甲 八錢 元參 五錢 麥冬 連心 六錢 生白芍 六錢 沙參 三錢 麻仁 三錢

古勇連 一錢 阿膠 三錢 丹皮 三錢 炙甘草 四錢 日二帖

廿二日 已得效仍服前方二帖

廿三日 復脈複苦法清下焦血分之陰熱

元參 五錢 鱉甲 生五錢 阿膠 化沖三錢 白芍 生六錢 天冬 二錢 丹皮 三錢

麻仁 五錢 麥冬 連心五錢 甘草 炙五錢 日服二帖

癸亥六月 王二十 暑溫舌苔滿佈色微黃脈洪弦而剛甚左反大於右不渴初五日

起卽現此等脈症恐下焦精血之熱遠甚於上焦氣分之熱也且舊有血

溢故手心熱又甚於手背究竟初起且清上焦然不可不心知其所以然

連翹 二錢 細生地 一錢五分 粉丹皮 二錢 銀花 二錢 苦桔梗 一錢 白茅根

二錢 麥冬 二錢 牛旁子 一錢五分 香豆鼓 一錢五分 元參 一錢五分 霍香

梗 一錢 生甘草 一錢 薄荷 三分 日三帖

初六日 熱退大半胸痞腹中自覺不和按暑必夾溼熱退淨存之故先清氣分

霍香梗 三錢 飛滑石 一錢五分 白扁豆 二錢 杏仁泥 二錢 連翹 二錢 廣鬱

金二錢 生苡仁三錢 銀花一錢五分 白通草八分 香豆鼓二錢 日二帖

初七日 病後六腑不和

霍香梗三錢 飛滑石三錢 香豆鼓二錢 生苡仁三錢 半夏二錢 廣皮灰一錢 廣鬱金一錢 厚朴二錢 日服一帖

初十日 向有失血又屆暑病之後五心發熱法當補陰以配陽但脈數弦而細不

惟陰不充足卽眞陽亦未見其旺也議二甲復脈湯仍用舊有之桂枝薑

棗

白芍炒四錢 大生地四錢 沙參三錢 桂枝二錢 生鱉甲五錢 麥冬四錢 麻

仁二錢 生牡蠣五錢 生薑二片 阿膠化冲二錢 炙甘草五錢 大棗去核二

枚 煮三杯分三次服

又丸方八仙丸加麻仁白芍

麥冬連心六兩 直熟地八兩 山藥三兩 茯苓四兩 五味子三兩 麻仁三兩

澤瀉 三兩 山萸肉 酒炒三兩 白芍 酒炒六兩 丹皮 四兩 蜜丸如梧子大每

服三錢 日三服

癸亥六月 初八日 馬三十歲 暑熱本易傷陰誤用消導攻伐重傷陰氣致令頭中耳中鳴

無止時此係肝風內動若不急救肝腎之陰瘕瘕熱厥立至矣

大生地 六錢 麥冬 五錢 生牡蠣 五錢 炒白芍 六錢 丹皮 三錢 菊花炭 一錢

生鱉甲 五錢 桑葉 一錢五分 炙甘草 三錢 大便太稀去此 火麻仁 二錢 煮三盞分

三次服

日十二 外邪雖退無奈平素勞傷太過虛不肯復六脈無神非參不可

沙參 三錢 大生地 六錢 阿膠 三錢 元參 六錢 生鱉甲 六錢 丹皮 三錢 麥冬

六錢 火麻仁 三錢 甘草 炙四錢 白芍 生六錢 煮三杯分三次服

得大便後去元參加牡蠣 六錢 人參 三錢 桂枝 一錢 大棗 去核二枚 生薑 一片

七月初六日 病後飲食不調又兼暑溼着裏腹中絞痛痛極便溏脈微數欲作滯下

議芎芍法奪其滯下之源

焦白芍 一錢五分 厚朴 二錢 廣木香 一錢 黃芩炭 一錢二分 枳實 一錢小

回炭 八分 南查炭 一錢五分 廣皮 炒 一錢五分 雲連炭 八分 神麴炭 二錢

一二帖後腹痛除仍服復脈湯

乙丑六月十一日 榮女 歲十五 暑溫夾痰飲怒鬱故服托身熱而脇痛誤用足六經表藥

煩躁不甯六日不解至危之症

生石膏 四錢 杏仁 三錢 生香附 三錢 旋覆花 包 三錢 連翹 三錢 霍香梗 三

錢 廣鬱金 二錢 薄荷 一錢 煮兩盃分二次服三時一帖服二日大見效再

商

十三日 於前方內加青橘皮 二錢 鮮蘆根 五錢 鮮荷葉邊 一枚

乙丑六月十三日 富氏 歲廿二 暑傷足太陽發為臍脹渴不欲飲飲則嘔身微熱舌白滑

肢逆二便閉塞病在中焦居多以香開腑濁爲主

杏仁泥 三錢 半夏 五錢 小枳實 三錢 旋覆花 包三錢 厚朴 四錢 廣鬱金 二

錢 生苡仁 三錢 香附 三錢 白薤仁 二錢 藿香梗 三錢 廣皮 二錢 煮兩盃分

二次服今日一帖明日服二帖

乙丑閏六月初六日孫四十歲頭痛左關獨高責之少陽內風掀動最有損一日之弊若以

爲外感寒則遠甚矣議清少陽膽絡法再此症除左關獨高餘脈皆緩所

謂通體皆寒一隅偏熱故先清一隅之熱金匱爲先治新病病當後治也

羚羊角 二錢 丹皮 一錢五分 茶菊花 一錢五分 苦桔梗 二錢 生甘草 一錢

薄荷 六分 刺蒺藜 一錢 桑葉 一錢五分 鮮荷葉 去蒂半張 鈎藤鈎 一錢 煮

兩盃服今日一帖明日兩帖

初八日 前日左關獨浮而弦係少陽頭痛因暑而發用清膽絡法茲左關已平其

半但緩甚舌苔白厚而滑胸中痞悶暑中之熱已解而溼尙存也議先宣

上焦氣分之滯

生苡仁 五錢 飛滑石 六錢 藿香梗 三錢 杏仁泥 五錢 半夏 五錢 廣鬱金 三錢

旋覆花 包三錢 廣皮 三錢 白通草 一錢 茯苓皮 三錢 白蔻仁 連皮二錢

煮兩盃今日服渣再煮一盃明早服

初九日 諸症俱減舌白未除中滯尚多議進法於前方內

加生蒼朮 三錢 草果 炒一錢

乙丑閏六月廿八日 暑傷兩太陰手太陰之症為多一以化肺氣為主

飛滑石 八錢 連翹 三錢 白通草 一錢 杏仁泥 五錢 金銀花 三錢 白扁豆花

一枝 生苡仁 五錢 厚朴 三錢 鮮荷葉 去蒂一張 藿香葉 一錢 白蔻仁 連皮

二錢 煮兩盃分兩次服今晚明早各一帖

初四日 兩太陰之暑症昨用冷香台辛涼暑中之熱已退其半但裏滯與熱未克

即除故大便紅水胸中痞悶

飛滑石 六錢 猪苓 五錢 藿香梗 二錢 杏仁泥 三錢 澤瀉 五錢 廣鬱金 二錢
茯苓皮 三錢 生苡仁 五錢 白通草 二錢 白蔻仁 一錢五分 厚朴 三錢 煮三
盃服今晚明日各一帖

初五日

舌苔白厚腹甚不和腸鳴泄瀉聚溼尙多急宜分泄以免延拖

飛滑石 六錢 半夏 五錢 藿香梗 三錢 茯苓皮 六錢 澤瀉 五錢 南蒼朮 三錢

生苡仁 六錢 椒目 五錢 白蔻仁 三錢 老厚朴 三錢 廣皮 三錢 水八碗 煮取

三碗分三次服渣再煮一碗服

乙丑七月廿四
廿二日 廣歲

六脈洪大之極左手更甚目邪視怒氣可畏兩臂兩手捲曲

而痲癢舌邪向不語三四日面赤身熱舌苔中黃邊白暑入心包膽絡以

清心膽之邪爲要先與紫雪丹

連翹 連心 五錢 羚羊角 三錢 竹茹 三錢 金銀花 五錢 暹羅犀角 三錢 丹皮

三錢 麥冬 五錢 細生地 五錢 桑葉 三錢 天冬 三錢 鮮荷葉 去蒂一張 煮四

孟分四次服又碧雪丹一兩 每服三錢涼開水調服以神清熱退爲度現

在熱厥

日廿三 肝熱之極加天冬涼肝於前方內

加天冬三錢 其碧雪丹仍照前常服

日廿四 暑入心膽兩經與清心絡之伏熱已見小效仍用前法而進之

烏犀角五錢 連翹連心四錢 粉丹皮五錢 羚羊角三錢 銀花三錢 茶菊花

三錢 細生地五錢 麥冬連心五錢 冬桑葉三錢 煮四孟分四次服

日廿五 加黃芩三錢 白扁豆花一枝 山連一錢五分 鮮荷葉邊一枚

日廿六 暑入心膽兩經屢清兩經之邪業已見效今日飲水過多水入微嘔蓋暑

必挾溼議於前方內去柔藥加淡滲

茯苓皮五錢 銀花三錢 黃柏炭二錢 生苡仁五錢 連翹連心三錢 眞川連

一錢 羚羊角三錢 犀角二錢 冬桑葉三錢 黑山梔三錢 茵陳三錢 荷葉邊

二枚 煮三盃分三次服

廿七日 暑熱退後嘔水身微黃熱退溼存

雲苓塊 連皮五錢 銀花 三錢 白薤皮 二錢 生苡仁 五錢 連翹 三錢 黃柏炭

二錢 杏仁泥 三錢 茵陳 三錢 白通草 一錢 黑山梔 三錢 煮三盃分三次服

廿九日 熱未盡退舌起新白苔胸痞暑兼溼熱不能純治一邊

飛滑石 六錢 銀花 三錢 藿香梗 三錢 雲苓皮 五錢 連翹 不去心三錢 真山

連 一錢五分 杏仁泥 五錢 白薤 打碎 一錢五分 白通草 一錢 生苡仁 五錢

煮三盃分三次服

八月初二日 暑熱已退七八惟十餘日不大便微有譫語脈沈可與輕通陽明與增

液承氣法

細生地 六錢 元參 八錢 麥冬 不去心六錢 生大黃 四錢 煮成三盃先服一

盃約二時不大便再服第二盃明早得大便止後服否則服第三盃

初三日 溫病下後宜養陰暑溫下後宜兼和胃蓋暑必夾溼而舌苔白滑故也脈

緩與外臺茯苓飲意

雲苓塊 五錢 麥冬 不去心 五錢 廣鬱金 一錢 生苡仁 五錢 半夏 三錢 白朮

皮 一錢五分 藿香梗 三錢 厚朴 一錢 煮三盃分三次服

初五日 暑溫熱退溼存故嘔腹不和而舌有白苔與三仁湯宜剛法

杏仁 五錢 益智仁 一錢 苡仁 五錢 半夏 五錢 藿香梗 三錢 黃芩 三錢 厚朴

二錢 白朮 一錢五分 生薑 三片 煮三盃分三次服

丁卯六月 王三十 暑溫誤表汗如暴雨直流有不可猝遏之勢脈洪芤氣短與

白虎人參湯

生石膏 八兩 知母 二兩 粳米 一合 炙甘草 二兩 洋參 八兩 煮四碗一時許

服一碗以汗止爲度不止再作服

十六日 汗勢減照前方服半劑

十七 脈靜身涼汗止與三才湯三帖全愈

丁丑六月 吳四十 先暑後風大汗如雨惡寒不可解先服桂枝湯一帖爲君之

桂枝用 二兩 盡劑毫無效驗次日用桂枝 八兩 服半帖而愈 鞠通自醫

丁亥閏五 月廿二日 某暑溫誤表致有譫語邪侵心包熱重面赤脈洪數手太陰症爲多

宜辛涼芳香以清肺熱開心包陽有汗陰無汗及頸而還極大症也

生石膏 一兩 連翹 連心三錢 丹皮 三錢 飛滑石 六錢 銀花 三錢 桑葉 三錢

細生地 五錢 知母 炒三錢 甘草 二錢 苦桔梗 三錢 煮三大盃分三次服外

服紫雪丹 五分

廿三 脈之洪數者少減熱亦少退舌心黑滑大便頻澀暑必夾溼沉體厚本身

溼痰過重者乎議兩清溼熱

雲苓皮 五錢 連翹 連心三錢 藿香梗 三錢 生苡仁 五錢 銀花 四錢 六一散

三錢 薑半夏 三錢 黃芩 一錢 白蔻仁 一錢 煮三盃分三次服外服紫雪丹

五分

廿四 脈洪大又減但沈數有力伏邪未淨舌中黑滑耳聾大便仍頻溏

雲苓皮 六錢 苡仁 五錢 黃芩 三錢 薑半夏 五錢 連翹 三錢 銀花 三錢 雅連

薑汁炒一錢 六一散 六錢 竹葉 三錢 煮三盃分三次服外服紫雪丹 五分

廿五 卽於前方內連翹銀花加至 五錢 苡仁加至 八錢 紫雪丹仍服 五分

廿六 熱漸退而未盡脈漸小而仍數面赤減大便頻數亦少餘邪未盡

連翹 四錢 飛滑石 六錢 黃芩 三錢 銀花 四錢 雲苓皮 六錢 雅連 一錢 苡仁

五錢 薑半夏 五錢 甘草 一錢 白蔻 連皮一錢 煮四盃分四次服

廿七 照前方仍服一帖

廿八 卽於前方內加桑葉 三錢 目白睛赤纒故也

廿九 大熱雖退餘焰尙存耳聾與苦淡法

銀花 五錢 飛滑石 六錢 丹皮 三錢 連翹 連心三錢 雲苓皮 六錢 苡仁 六錢

雅連 炒一錢 苦丁茶 三錢 桑葉 三錢 牡蠣 五錢 龍膽草 一錢五分 煮四盃

分四次服

六月初一日 脈靜身涼熱已退矣舌有新白滑苔溼猶有存者與三仁湯宣化三焦

通調水道

雲苓塊 連皮六錢 苡仁 五錢 晚蠶砂 三錢 杏仁泥 三錢 澤瀉 二錢 益智仁

一錢五分 薑半夏 三錢 白蔻 一錢五分 黃芩炭 一錢五分 藿香梗 三錢 通

草 一錢 煮三盃分三次服

庚寅六月廿一日 吳二十歲 暑兼溼熱暑溫不比春溫之但熱無溼可用酸甘化陰鹹以

補腎等法且無形無質之熱邪每借有形有質之溼邪以為依附此症一月有餘僉用大劑純柔補陰退熱法熱總未減而中宮痞塞得食則痛脹非抹不可顯係暑中之溼邪蟠踞不解再得柔膩膠固之陰藥與邪相搏業已喘滿勢甚重大勉與通宣三焦法仍以肺氣為主蓋肺主化氣氣化

則溼熱俱化六脈弦細而沈洪

苡仁五錢 生石膏二兩 厚朴三錢 杏仁四錢 雲苓皮五錢 青蒿一錢 連翹三錢 藿香梗三錢 白蔻一錢五分 銀花三錢 鮮荷葉邊一片 煮三 盃分四

次服兩帖

日廿三 暑溼誤用陰柔藥致月餘熱不退胸膈痞悶前與通宣二焦今日熱減脈

亦減但痞滿如故喘仍未定舌有白苔猶爲棘手

生石膏二兩 厚朴三錢 藿香梗三錢 飛滑石四錢 連翹二錢 小枳實一錢

雲苓皮三錢 廣皮三錢 白蔻仁二錢 生苡仁五錢 煮三 盃分三 次服二 帖

日廿五 熱退喘減脈亦稍平惟仍痞且泄瀉皆陰柔之累姑行溼止瀉

滑石五錢 薑半夏三錢 黃芩炒二錢 猪苓三錢 雲苓皮五錢 廣鬱金一錢

澤瀉二錢 藿香梗二錢 通草一錢 苡仁五錢 煮三 盃分三 次服二 帖

日廿七 喘止胸痞亦開熱雖減而未退瀉未止

生石膏 一兩 澤瀉 三錢 薑半夏 五錢 飛滑石 六錢 黃芩 三錢 藿香梗 三錢

雲苓皮 六錢 煮三盃分三次服二帖

廿九 諸症俱減惟微熱大便溏調理飲食爲要

雲苓塊 連皮五錢 猪苓 三錢 藿香梗 三錢 生苡仁 五錢 澤瀉 三錢 炒黃芩

三錢 薑半夏 二錢 蘇梗 二錢 白蔻仁 一錢 杏仁泥 一錢 煮三盃分三次服

四帖

伏暑

壬戌八月十四 周歲 伏暑內發新涼外加脈右大左弦身熱如烙無汗吐膠痰舌

苔滿黃不宜再見泄瀉不渴腹脹少腹痛是謂陰陽並病兩太陰互爭難

治之症議先清上焦溼熱蓋氣化溼熱亦化也

飛滑石 三錢 連翹 二錢 象貝母 一錢 杏仁泥 三錢 銀花 二錢 白通草 一錢

老厚朴 二錢 蘆根 二錢 鮮梨皮 二錢 生苡仁 一錢五分 竹葉 一錢 今晚一

吳氏醫案

伏暑

十

帖明早一帖

十七 案仍前

飛滑石 三錢 連翹 二錢 鮮梨皮 一錢五分 杏仁泥 一錢五分 冬桑葉 一錢

銀花 二錢 老厚朴 一錢五分 薄荷 八分 扁豆皮 二錢 苦桔梗 一錢五分 蘆

根 二錢 荷葉邊 一錢五分 炒知母 一錢五分 午一帖晚一帖明早一帖

十八 兩與清上焦熱已減其半手心熱甚於手背謂之裏熱舌苔紅黃而厚爲

實熱宜宣之用苦辛寒法再按暑必夾溼腹中案之痛脹故不得不暫用

苦燥法

杏仁泥 三錢 木通 二錢 真山連 薑汁炒黃一錢五分 廣木香 一錢 黃芩炭

一錢 厚朴 一錢五分 小茴香 炒黑一錢五分 括裏 連皮仁八分 炒知母 一

錢五分 小枳實 打碎一錢五分 檳榔 八分 廣皮炭 一錢 煮二盃分二次服

十九 腹之痛脹俱減舌苔乾燥黃黑肉色絳滄咳痰粘幼童陰氣未堅當與存

陰退熱

麥冬 不去心 六錢 煨石膏 四錢 丹皮 五錢 沙參 三錢 細生地 四錢 杏仁 二錢
元參 五錢 炒知母 二錢 蛤粉 三錢 犀角 二錢 生甘草 一錢 煮三盃分三次服

二十 津液稍回潮熱因宿糞未除夜間透汗因邪氣還表右脈仍然浮大未可

下宜保津液護火克肺金之嗽

細生地 六錢 元參 六錢 蘆石斛 三錢 焦白芍 四錢 麥冬 六錢 柏子霜 三錢
煨石膏 三錢 沙參 三錢 牡蠣粉 一錢五分 杏仁泥 二錢 犀角 一錢 煮三盃陸續服

廿一 諸症悉解小有潮熱舌絳苔黑深入血分之熱未盡除也用育陰法

沙參 三錢 大生地 五錢 牡蠣 三錢 麥冬 不去心 六錢 焦白芍 四錢 丹皮 三錢
天冬 一錢五分 百子霜 三錢 甘草 炙 二錢 頭煎二盃二煎一盃分三次

服

日廿一 津液消亡舌黑乾刺用復脈法

大生地 六錢 麥冬 不去心 六錢 柏子霜 四錢 炒白芍 六錢 丹皮 四錢 火麻

仁 三錢 生鱉甲 六錢 阿膠 沖 三錢 炙甘草 三錢 生牡蠣 四錢 頭煎三盃今

日服二煎一盃明早服

日廿三 右脈仍數餘邪陷入肺中咳甚痰艱議甘潤兼宣涼肺氣

麥冬 不去心 一兩 細生地 五錢 象貝 三錢 沙參 三錢 杏仁泥 三錢 冬桑葉

三錢 玉竹 三錢 苦桔梗 三錢 甘草 三錢 丹皮 二錢 茶菊花 三錢 梨皮 三錢

一帖藥分二次煎每煎兩茶盃共分四次服

日廿四 舌黑苔退脈仍數仍咳腹中微脹

細生地 五錢 麥冬 不去心 五錢 藿香梗 二錢 茯苓塊 三錢 沙參 三錢 廣

金 一錢五分 杏仁粉 三錢 丹皮 三錢 生扁豆 三錢 苦桔梗 三錢 象貝 二錢

煮三盞渣再煮一盞分四次服

廿五 昨晚得黑宿糞若許潮熱退唇舌仍絳熱之所過其陰必傷與復脈法復其陰

大生地 八錢 麥冬 不去心一兩 火麻仁 三錢 炒白芍 六錢 沙參 三錢 真阿膠 沖二錢 生薑甲 五錢 元參 三錢 炙甘草 三錢 生牡蠣粉 五錢 丹皮 三錢 水八碗煮成三碗分三次服渣再煮一碗明早服

廿六 又得宿糞若許邪氣已退八九但正陰虛耳故不欲食晚間乾咳無痰
大生地 八錢 麥冬 不去心六錢 火麻仁 三錢 生白芍 五錢 天冬 二錢 牡蠣粉 三錢 北沙參 三錢 阿膠 沖三錢 炙甘草 三錢 煮三盞分三次服外用梨汁荸薺汁藕汁各一黃酒盞重湯燉溫頻服

廿七 熱傷津液大便燥微有潮熱乾咳舌赤用甘潤法
細生地 五錢 元參 六錢 知母 炒黑二錢 火麻仁 三錢 麥冬 不去心六錢 阿

膠二錢 郁李仁二錢 沙參三錢 梨汁一盃 沖 葶薺汁一盃 沖 煮三盃分三

次服

廿八日 伏暑內潰續出白痧若許脈較前怡稍和第二次舌苔未化不大便

麥冬 不去心六錢 大生地五錢 元參三錢 沙參三錢 牛旁子炒研細三錢

阿膠一錢五分 連翹連心二錢 生甘草一錢 麻仁三錢 銀花炒二錢 煮三

盃分三次服服此晚開大便

九月初四日 潮熱復作四日不大便燥糞復聚與增液承氣湯微和之

元參五錢 細生地五錢 大黃生二錢 麥冬不去心五錢 炙甘草一錢 煮二

盃分二次服服此得黑燥糞若許而潮熱退脈靜以後與養陰收功

癸亥十二日 陳廿八歲 左脈洪大數實有脈陽微陰陽逆亂伏暑似瘧最難即愈議

領邪外出法

生鱉甲二兩 麥冬不去心八錢 粉丹皮二錢 桂枝尖三錢 沙參三錢 炒知

母三錢 焦白芍三錢 青蒿四錢 炙甘草一錢五分 煮三碗分三次服

十四 伏暑寒熱往來已愈不食不飢不便胸中痞悶九竅不和皆屬胃病

半夏五錢 伏苓塊五錢 桂枝一錢五分 黨參三錢 生苡仁五錢 廣皮一錢

五分 青皮一錢五分 廣鬱金二錢 煮三盃分三次服

十七 久病真陽虛則膈痛餘邪化熱則口苦正氣不復則肢倦

生洋參二錢 桂枝三錢 廣皮炭一錢五分 伏苓塊三錢 半夏三錢 炙甘草

一錢五分 焦白芍三錢 生薑二片 大膠棗二枚 黃芩炭一錢五分 煮三盃

分三次服

乙丑八月十九 斬歲 不兼溼之伏暑誤治津液消亡以致熱不肯退唇裂舌燥四

十餘日不解咳嗽痰語口渴可先服牛黃清心丸清包絡而搜伏邪

湯藥與存陰退熱法

細生地三錢 麥冬不去心五錢 生扁豆三錢 生驚甲五錢 沙參三錢 生甘

草一錢 生牡蠣五錢 炒白芍三錢 煮三盃分三次服

廿四日 暑之偏於熱者誤以傷寒足經藥治之以致津液消亡昨用存陰法兼芳香開絡中閉伏之邪已見大效茲因小便赤甚而短熱雖減而未除議甘苦合化陰氣法

二甲復脈湯加黃芩三錢 如有譫語牛黃丸仍服

廿六日 昨用甘苦合化陰氣法服後大見涼汗茲熱已除脈減舌苔盡退但六脈重按全無舌仍乾燥議熱之所過其陰必傷例用二甲復脈湯重加煎甲甘草

乙丑九月十六日 與四歲夏傷於溼冬必咳嗽況六脈俱弦木旺克土脾土受克則泄瀉胃土受克則不食而欲嘔前曾腹脹現在胸痞舌白滑此寒溼病也而脈反數思涼思酸物極必反之象豈淺鮮哉急宜戒惱怒小心一切為要
姜半夏二錢 飛滑石三錢 生苡仁五錢 杏仁泥四錢 旋覆花包二錢 廣鬱

金一錢 茯苓皮五錢 白薤皮一錢 白通草一錢 水五盃煮取兩盃渣再煮一盃分三次服

十八 脈數甚思涼溼中生熱之故

飛滑石六錢 苡仁六錢 白薤仁一錢五分 茯苓皮六錢 半夏四錢 廣鬱金二錢 杏仁泥六錢 黃芩二錢 白通草二錢 藿香梗三錢 枳實一錢五分 水八碗煮取八分三茶碗渣再煮一碗日三夜一分四次服

二十 伏暑必夾火與溼不能單顧一邊至服藥後反覺不快乃久病體虛不任

開泄之故渴思涼者火也得水則停者溼也

生石膏六錢 半夏三錢 炒知母一錢五分 杏仁泥六錢 黃芩一錢 白薤仁一錢 煮三盃分三次服

廿一 於前方內去薤仁加

生石膏四錢 藿香梗三錢 炒知母五分 飛滑石四錢 白通草一錢五分 加

入前方內煮四盃分四次服

廿七 飲居右脇不得卧格拒心火不得下通於腎反來樂喉故噎乾

姜半夏 五錢 杏仁 三錢 小枳實 三錢 枳殼皮 三錢 香附 三錢 藿香梗 三錢

旋覆花 包三錢 廣皮 二錢 蘇子霜 三錢 煮三盃分三次服

十月初二日 小便不通於前方內加

飛滑石 三錢 生苡仁 三錢 白通草 一錢五分 前後共八帖

初六日 小便已通於前方內去滑石通草生苡仁服五帖而全愈

廿八 面色青黃其爲溼鬱無疑右脈單弦其爲伏飲無疑噯氣胸痛合

之左脈弦其爲肝鬱無疑上年夏日曾得淋症誤服六味湯丸酸甘化陰致令暑溼隱伏久踞故症現龐雜無倫治法以宣化三焦使邪有出路兼和肝胃能令食爲要

生石膏 八錢 半夏 五錢 生苡仁 五錢 飛滑石 二兩 藜蘆 四錢 枳殼皮 五錢

旋覆花 包三錢 香附 三錢 廣鬱金 三錢 杏仁泥 三錢 通草 二錢 晚礬砂 三錢

錢 煮成四碗分早中晚夜四次服

此症方案失收姑不全錄自四月至八月一日不斷服藥諸症從而目青黃逐漸退淨而愈其面青由額往下由耳往中約十日視一暈及視至鼻柱約月餘方亮皆誤服柔藥之弊所用不出此方故方不全而案可以載欲為隔年暑溼之症開一門路

丙寅六月 初六日 某其人本有飲咳又加內暑外涼在經之邪似瘧而未成在腑之邪

泄瀉未止恐成滯下急以提邪外出為要按六脈俱弦之泄瀉古謂之木泄即以小柴胡湯為主方況加之寒熱往來乎六脈俱弦故謂脈雙弦者寒也指中焦虛寒而言豈補水之生熟地所可用哉現在寒水客氣燥金司天而又大暑節氣與柴胡二桂枝一法

柴胡 六錢 焦白芍 二錢 青蒿 二錢 桂枝 三錢 藿香梗 三錢 生薑 三錢 半可
六錢 廣橘皮 二錢 大棗 去核二枚 黃芩 二錢 炙甘草 一錢 煮三盃分三次

服

初八

寒暑兼受成瘧則輕成痢則重前與柴胡二桂枝一湯現在面色青熱退寒重痰多而稀舌之赤者亦淡脈之弦勁者微細不渴陽虛可知與桂枝柴胡各半湯減黃芩加乾薑

桂枝 三錢

炒白芍 一錢五分

乾姜 三錢

柴胡 三錢

炒黃芩 一錢

生薑 五錢

半夏 六錢

炙甘草 二錢

大棗 去核三枚

煮三盃分三次服

初九

內暑外寒相搏既欲成瘧大便溏泄恐致成痢口乾不渴經謂自利不渴者屬太陰也合之腹痛則更可知矣仲景爲表急急當救表裏急急當救裏茲表裏無偏急之象議兩救之救表仍用柴胡桂枝各半湯法以太少兩經俱有邪也救裏與理中湯

桂枝 四錢

焦白芍 二錢

良姜 二錢

柴胡 四錢

黃芩炭 一錢

半夏 六錢

炙甘草 二錢

草 一錢五分

川椒炭 三錢

生薑 五錢

苡仁 五錢

白朮仁 一錢五分

大棗 去核二枚

乾姜 三錢

煮三盃分三次服

初十

昨用兩救表裏已見小效今日仍宗前法而退之以脈中陽氣已有生動之機故也不可性急反致僨事

桂枝 三錢 炒白芍 二錢 炒厚朴 二錢 柴胡 三錢 炒黃芩 一錢五分 炙甘草 一錢五分
 半夏 六錢 川椒炭 二錢 生薑 五錢 乾姜 二錢 煨草果 一錢 大棗 去核二枚
 煮三盃分三次服

十一

內而痰飲蟠踞中焦外而寒暑擾亂胃陽連日已奪去成痢之路一以和中調飲爲要蓋無形之邪每借有形質者以爲依附也

桂枝 三錢 焦白芍 二錢 枳實 三錢 柴胡 三錢 黃芩炭 一錢五分 青蒿 三錢
 杏仁 三錢 茯苓皮 五錢 廣皮 二錢 半夏 一兩 白蔻仁 一錢五分 生薑 三片
 苡仁 五錢 煮三盃分三次服

十二

雜受寒暑再三分析方成瘧疾以伏暑成瘧則輕寒多熱少脈沈弦乃邪氣深入與兩陰陽之中偏於溫法

青蒿三錢 藿香梗三錢 枳實二錢 柴胡三錢 姜半夏八錢 良姜二錢 厚朴三錢 瓜蜚皮二錢 生姜五片 檳榔一錢 黃芩炭一錢五分 大棗去核二枚 煮三盃分三次服

十四日 寒熱少減胸痞甚去甘加辛去大棗加生姜

十六日 脈弦細指尖冷陽微不及四末之故兼之腹痛便澹痰飲咳嗽更可知矣

以和胃陽溫中陽逐痰飲立法

半夏六錢 生苡仁五錢 乾姜二錢 杏仁五錢 川椒炭三錢 炒廣皮三錢 桂枝三錢 白蔻仁二錢 生姜三片 煮三盃分三次服

十七日 月張 伏暑酒毒遇寒涼而發九日不愈脈緩而頓滯下身熱囁語溼

熱發黃先清溼熱開心包絡

飛滑石五錢 茵陳五錢 黃柏炭三錢 茯苓皮五錢 黃芩三錢 眞山連二錢 生苡仁三錢 通草一錢 梔子炭二錢 煮三盃分三次服先服牛黃清心丸

一丸皮時再服一丸

十八 熱退滯下已愈黃未解

飛滑石 五錢 茵陳 三錢 梔子炭 三錢 茯苓皮 五錢 萆薢 三錢 眞雅連 八分

黃柏炭 三錢 杏仁 三錢 燈心草 一錢 白通草 一錢 煮三盃分三次服

十九 黃亦少退脈之軟者亦鼓指惟舌赤小便赤而濁餘溼餘熱未盡尙須清

之

飛滑石 五錢 茵陳 四錢 黑山梔 三錢 茯苓皮 五錢 半夏 三錢 眞雅連 八分

生苡仁 三錢 杏仁 三錢 廣皮炭 二錢 黃柏炭 二錢 萆薢 三錢 煮三盃分三

次服

二十 黃退小便赤濁舌赤脈洪溼熱未盡

飛滑石 五錢 半夏 三錢 海金沙 三錢 炒梔皮 二錢 萆薢 三錢 眞雅連 二錢

煮三盃分三次服

乙酉三月 王氏 廿八歲 上年初秋伏暑午後身熱汗出醫者誤以爲陰虛勞損不

食胸痞咳嗽舌苔白滑四肢倦怠不能起牀至今年三月不解已經八月之久深痼難救勉與宣化三焦兼從少陽提邪外出法

飛滑石 六錢 桂枝 三錢 白蔻仁 二錢 茯苓皮 五錢 青蒿 三錢 炒黃芩 二錢

姜半夏 五錢 苡仁 五錢 白通草 一錢 杏仁泥 四錢 廣皮 三錢 煮三盃分三

次服 此方服二帖能進食服四帖飲食大進卽起能行立後八日復診

以調理脾胃而愈

乙酉三月 廿六日 王氏 廿六歲 伏暑咳嗽寒熱將近一年不解難望回生既咳且嘔而泄

瀉勉與通宣三焦俾邪得有出路或者得有生機何以知其爲伏暑而非

癆瘵勞之咳重在丑寅卯木旺之時溼家之咳在戌亥子水旺之時勞之

寒熱後無汗伏暑寒熱如瘧狀丑寅卯陽升乃有汗而止勞之陰虛身熱

脈必乳大伏暑之脈弦細而弱故知其爲伏暑而非癆瘵也再左邊臥不

着席水在肝也

桂枝 三錢 雲苓皮 五錢 鬱金 一錢 半夏 五錢 生苡仁 五錢 廣皮 二錢 青蒿

八分 旋覆花 包三錢 生薑 三錢 香附 三錢 白蔻仁 二錢 大棗 去核二枚 煮

三盃分三次服 此方服四帖寒熱減去青蒿服之十帖全愈後以調理

脾胃收功

乙酉四月 金氏 三十 上年伏暑寒熱時發如瘧狀以通宣三焦立法補陰補陽

廿五日 皆妄也

半夏 四錢 雲苓皮 五錢 黃芩 二錢 杏仁 三錢 藿香梗 三錢 生薑 三片 青蒿

八分 白蔻仁 一錢五分 大棗 去核二枚 苡仁 五錢 煮三盃分三次服

五月初 伏暑愈後以平補中焦爲要仍須宣通勿得粘滯

半夏 三錢 雲苓塊 五錢 蓮子 五錢 苡仁 五錢 益智仁 一錢 生薑 三片 廣皮

二錢 煮三盃分三次服

乙酉八月 初五日 衰四十 酒客中虛溼重面色暗滯業已多日現在又感伏暑新涼頭

脹便溲舌白滑脈弦細中虛寒溼可知不能戒酒病斷不除蓋客症易除久病伏

溼虛寒難療也

雲苓皮 一兩 杏仁 三錢 藿香梗 三錢 姜半夏 六錢 青蒿 二錢 白蔻仁 三錢

生苡仁 一兩 廣皮 五錢 黃芩炭 二錢 煮三盃分三次服頭脹除去青蒿七

帖全愈

乙酉九月 十八日 陶五十 伏暑遇新涼而發舌苔白上加灰黑六脈不浮不沈而數

誤與發表胸痞不食此危症也何以云危蓋四氣雜感又加一層腎虛又

加一層肝鬱又加一層誤治又加一層酒客中虛何以克當勉與河間之

苦辛寒法一以通宣三焦而以肺氣為主望其氣化而溼熱俱化也

飛滑石 五錢 杏仁 四錢 藿香葉 三錢 姜半夏 五錢 苡仁 五錢 廣鬱金 三錢

雲苓皮 五錢 黃芩 三錢 真雅連 一錢 白蔻仁 三錢 廣皮 三錢 白通草 一錢

五錢 煮三碗分三次服

吐三舌之灰者化黃滑而不燥唇赤額赤脈之弦者化為滑數是溼與熱俱重也

滑石 一兩 雲苓皮 六錢 杏仁 五錢 苡仁 六錢 黃柏炭 四錢 雅連 二錢 半夏 五錢 白蔻仁 三錢 木通 三錢 茵陳 五錢 煮三碗分三次服

吐一伏暑舌之灰者化黃茲黃雖退而白滑未除當退苦藥加辛藥脈滑甚重加化痰小心復感為要

滑石 一兩 雲苓皮 五錢 鬱金 三錢 杏仁 五錢 小枳實 三錢 薏仁 二錢 半夏 一兩 黃柏炭 三錢 廣皮 三錢 苡仁 五錢 藿香梗 三錢 煮三碗分三次服

十月初二日 伏暑雖退舌之白滑未化是暑中之伏溼尚存也小心飲食要緊脈之滑大者已減是暑中之熱去也無奈太小而不甚流利是陽氣未充不能化溼重與辛溫助陽氣化溼氣以舌苔黃為度

半夏六錢 白蔻仁研沖三錢 木通二錢 杏仁五錢 益智仁三錢 廣皮五錢
苡仁五錢 川椒炭三錢 乾姜三錢 煮三碗分三次服

初六日 伏暑之外感者因大汗而退舌白滑苔未化黃前方大用剛燥苔未盡

除務要小心飲食毋使脾困

杏仁泥四錢 煨草果八分 川椒炭三錢 姜半夏五錢 蒼朮炭三錢 益智仁三錢
茯苓皮五錢 老厚朴二錢 白蔻仁三錢 生苡仁五錢 廣皮炭五錢 神
麴炭三錢 煮三碗分三次服

乙酉九月廿四日 薛氏歲 初因肝鬱繼而內飲招外風為病現在寒熱如瘧狀又有

伏暑內發新涼外加之象六脈弦細而緊兩關獨大而浮厥陰克陽明陰
者全然不知病從何來亦不究脈象之是陰是陽一概以地黃等陰柔補
陰以陰藥助陰病人命其何堪哉勢已沈重欲成噎食反胃勉與兩利肝
胃兼提少陽之邪外出法

桂枝 三錢 姜半夏 六錢 苡仁 三錢 杏仁 三錢 旋覆花 包三錢 青蒿 一錢 白

蔻仁 二錢 香附 三錢 生薑 四錢 廣皮 三錢 川椒炭 二錢 煮三盃分三次服

廿八 寒熱減半嘔止舌苔漸黃但仍滑耳即於前方內加

炒黃芩 二錢 再服四帖如二三帖寒熱止去青蒿如腹痛止舌不滑不乾

燥去川椒炭加茯苓皮 五錢

十月初六日 伏暑已解七八痰飲肝鬱未除下焦且有溼鬱

杏仁泥 四錢 苡仁 五錢 川萆薢 五錢 旋覆花 包三錢 香附 三錢 通草 一錢

白蔻仁 二錢 雲苓皮 五錢 晚蠶沙 三錢 姜半夏 五錢 廣皮 二錢 煮三盃分

三次服數帖而愈

乙酉十二月初九日 李十八 伏暑如瘧狀脈弦數寒熱往來熱多於寒解後有汗與青蒿

簡甲湯五帖全愈

丁亥九月初七日 圖成 伏暑內發新涼外加腹脹身熱身痛胸脇痛與柴胡桂枝各

牛湯

雲苓皮 五錢 桂枝 三錢 鬱金 二錢 姜半夏 三錢 柴胡 三錢 黃芩 二錢 防己 三錢 杏仁泥 三錢 廣皮 三錢 藿香梗 三錢 煮三盃分三次服

初八日

伏暑新涼昨用各半湯一帖腹脹胸脇痛身痛已愈今日頭痛泄瀉身熱寒多按自利而渴者屬太陰也與五苓散雙解表裏

桂枝 四錢 雲苓皮 五錢 苡仁 五錢 豬苓 三錢 益智仁 二錢 木香 二錢 澤瀉 三錢 蒼朮炭 二錢 廣皮 三錢 煮三盃分三次服

初九日

伏暑新涼以頭痛身熱而又泄瀉之故用五苓散雙解表裏今日頭痛身熱雖減而泄瀉未止咳嗽痰多與開太陽陽明法

桂枝 五錢 姜半夏 五錢 苡仁 五錢 豬苓 四錢 雲苓皮 五錢 廣皮 三錢 澤瀉 四錢 益智仁 二錢 生姜 五片 蒼朮 三錢 煮四茶盃日三夜一分四次服

初十日

泄瀉已止熱退未淨咳嗽嘔惡未平頭偏右痛兼右肝鬱

姜半夏 五錢 苡仁 五錢 炒炭黃芩 一錢五分 旋覆花 包三錢 雲苓皮 五錢

香附 三錢 桑葉 三錢 蘇梗 三錢 廣皮 三錢 茶菊花 三錢 煮三盃分三次服

日十一 伏暑身熱咳嗽嘔惡大便稀澀兼有肝鬱偏頭痛舌絳口渴腹微脹溼中

生熱與苦辛淡法

雲苓皮 六錢 滑石 六錢 通草 一錢 姜半夏 五錢 苡仁 五錢 廣皮 一錢五分

藿香梗 三錢 蔻仁 一錢五分 生姜 三片 黃芩炭 三錢 煮三盃分三次服

日十二 伏暑未解痰飲咳嗽太甚胃不和寐先與和胃令寐治咳即愈

雲苓皮 六錢 苡仁 六錢 蘇梗 四錢 姜半夏 二兩 秫米 一合 煮三盃分三次

服

日十三 伏暑飲渴不寐昨與半夏湯法已寐惟大便仍澀咳未止口渴甚議渴者

與猪苓湯加和胃止渴去阿膠以其滑膩也

飛滑石 六錢 猪苓 四錢 苡仁 五錢 雲苓皮 六錢 澤瀉 四錢 蘇梗 三錢 姜半

夏六錢 煮三盃分三次服兩帖

日十五 伏暑已愈大半惟咳未盡除渴未全止暑中伏溼難清溼中生熱溼家之

渴猪苓湯最合拍宗前法而進之

飛滑石 六錢 猪苓 五錢 蘇梗 三錢 雲苓皮 六錢 澤瀉 五錢 廣皮 二錢 苡仁

五錢 姜半夏 五錢 甘草 一錢 炒黃芩 一錢五分 煮三盃分三次服兩帖

庚寅九月初八日 潘三十 溼熱發黃已愈六七繼感勁金涼氣頭暈而痛身熱而嘔伏

暑漫延三焦與苦辛淡滲法化氣氣化則溼熱俱化

飛滑石 五錢 猪苓 三錢 薄荷 八分 姜半夏 三錢 杏仁 三錢 桑葉 三錢 苦桔

梗 三錢 茵陳 五錢 竹茹 二錢 荊芥穗 二錢 連翹 二錢 橘皮 二錢 白蔻仁 一

錢 煮三盃分三次服

日十一 伏暑中之溼熱瀰漫三焦舌苔滿佈重濁脈弦一以化氣爲要溼熱相搏

徒治一邊無益也

猪苓 五錢 雲苓皮 五錢 茵陳 五錢 澤瀉 三錢 杏仁泥 四錢 木通 二錢 滑石 六錢 姜半夏 三錢 薏仁 一錢 苡仁 五錢 黃柏炭 二錢 廣皮 一錢五分 煮四小茶盃日三夜一分四次服

十四 溼熱瀰漫三焦前與化氣昨日汗大出今日大便通快舌苔已化惟小便未暢餘熱未除仍以化氣爲要

滑石 六錢 雲苓皮 五錢 苡仁 五錢 猪苓 三錢 藿香梗 三錢 木通 二錢 半夏 三錢 生薑汁 每盃沖三茶匙 薏仁 一錢 杏仁 三錢 煮三盃分三次服兩帖

十七 伏暑已解七八餘熱未除且有痰飲

雲苓塊 連皮六錢 猪苓 四錢 小枳實 三錢 姜半夏 六錢 杏仁 四錢 藿香梗 二錢 生苡仁 五錢 廣皮 三錢 白薏仁 一錢 煮三盃分三次服五帖

廿二 伏暑諸症俱解惟餘痰飲少腹不爽

雲苓塊 五錢 炒小茴香 三錢 廣皮 三錢 姜半夏 五錢 生苡仁 五錢 杏仁泥

三錢 生薑 三片 小枳實 一錢 甘瀾水八盃煮取三盃分三次服

辛卯七月廿八日 齊氏六歲 暑傳兩太陰身熱泄瀉腹微脹痛舌苔不甚黃口不甚渴

煩燥不安晝夜不寐脈洪數業已十日以外為難治

連翹 不去心五錢 雲苓皮 五錢 杏仁 三錢 生苡仁 五錢 金銀花 三錢 雅連

一錢五分 猪苓 三錢 藿香葉 二錢 薏仁 一錢 半夏 三錢 煮三盃分三次服

廿九日 即於前方內減去連翹二錢加半夏二錢 又加小枳實二錢 再服一帖

八月初一日 脈小則病退諸症漸減惟心下痞悶與瀉心法

半夏 五錢 雲苓塊 連皮五錢 乾姜 三錢 炒黃芩 三錢 生苡仁 五錢 生薑汁

每盃沖三小匙 少黃連 一錢五分 小枳實 一錢五分 煮三盃分三次服

初二日 痞略減仍不寐微煩

連翹 三錢 雲苓皮 五錢 藿香 半梗半葉二錢 銀花 三錢 姜半夏 五錢 薏仁

一錢 猪苓 三錢 小枳實 三錢 橘皮 三錢 杏仁 三錢 炒黃芩 三錢 煮三盃分

三次服

初三 陽亢於上不寐脈洪數口渴惡人與火與闔陽明法

生石膏 二兩 苡仁 五錢 炒知母 二錢 茯苓塊 三錢 杏仁 三錢 炒黃芩 三錢
姜半夏 二錢 薏仁 一錢 生甘草 二錢 煮三盃分三次服

初四 氣上阻胸不寐

雲苓塊 五錢 生苡仁 五錢 白薏 一錢 旋覆花 包三錢 杏仁泥 三錢 姜半夏 五錢
香附 三錢 炒黃芩 三錢 橘皮 三錢 小枳實 三錢 炒黃連 一錢五分 生
姜汁 每盃沖三小匙 煮三盃分三次服

初五 卽於前方內去旋覆花減小枳實一錢

初六 伏暑夾肝鬱不寐煩燥雖減而未除

雲苓皮 五錢 滑石 六錢 炒黃芩 四錢 姜半夏 五錢 苡仁 五錢 炒黃連 一錢
杏仁泥 四錢 鬱金 二錢 白豆蔻 一錢 旋覆花 包三錢 香附 二錢 生甘草 一

錢 煮三盃分三次服

初七 嘔甚即於前方內加代赭石 六錢 再服四帖

初九 伏暑已愈六七惟胸膈不舒腹微痛小便赤餘邪未淨

茯苓 五錢 炒黃芩 三錢 鬱金 二錢 苡仁 五錢 白蔻仁 一錢五分 香附 三錢

半夏 五錢 炒黃連 八分 橘皮 三錢 杏仁 三錢 淡吳萸 炒八分 煮三盃分三

次服

初十 伏暑小愈後又感燥金秋氣胸痛舌起新苔六脈弦緊與溫法

茯苓 連皮五錢 姜半夏 五錢 淡吳萸 二錢 桂枝 三錢 生苡仁 三錢 藿香梗

三錢 良姜 三錢 川連 與萊菔同炒八分 姜汁 每盃沖三茶匙 川椒炭 三錢

廣皮 三錢 煮三盃分三次服

十一 新感又減惟夜聞頭痛

桂枝 三錢 焦白芍 二錢 廣皮 三錢 茯苓 連皮五錢 川椒炭 三錢 吳萸 二錢

半夏五錢 炒小茴香三錢 黃連與茱萸同炒八分 苡仁五錢 煮三盃分三

次服

日十一 頭痛已止舊有之癥瘕上攻胃口有妨於食脈弦緊多汗

桂枝五錢 公丁香一錢 吳萸三錢 雲苓五錢 川椒炭三錢 半夏五錢 黃連

茱萸同炒八分 炒小茴香二錢 橘皮三錢 良姜一錢 煮三盃分三次服外

服化癥回生丹一錢

日十四 胃中之痛與煩躁係新受之燥氣腹中痞塊上攻係舊有之燥氣十數年

之久新舊並病猝難速愈

茯苓塊五錢 吳萸三錢 川椒炭三錢 姜半夏五錢 括婁皮二錢 黃連茱萸

同炒一錢 高良姜二錢 廣皮三錢 歸橫鬚一錢 公丁香一錢 煮三盃分三

次服二帖外閒化癥回生丹一錢

日十六 大用陽剛胃痛稍減未申後陰氣旺猶不爽胸痞陰邪未盡退也

半夏五錢 茯苓塊五錢 厚朴二錢 吳萸二錢 川椒炭四錢 廣皮三錢 黃連
與酸同炒一錢 小枳實三錢 生姜三片 良姜二錢 公丁香一錢 煮三盃分
三次服二帖仍間服化癥回生丹一錢

日十八 燥氣之胸痞痛與純剛大燥七日方解議病減者減其製

茯苓塊四錢 猪苓三錢 藿香梗三錢 姜半夏四錢 厚朴一錢 生苡仁一錢
川椒炭三錢 橘皮二錢 炒黃芩一錢五分 煮三盃分三次服三帖仍間服
化癥回生丹一錢

日廿一 諸症向安惟病後氣弱舊有之癥瘕未除法宜通補陽氣兼之調和營衛

茯苓三錢 焦白芍二錢 廣皮三錢 桂枝三錢 柏子霜三錢 生姜三片 半夏
三錢 白薏仁一錢 膠朮去核二枚 苡仁三錢 川焦炭一錢 煮三盃分三次
服四帖

日廿五 諸症皆愈惟欲便先痛便後痛減當責之積重且便後不爽恐成滯下俗

名痢疾少用溫下法

生大黃黃酒炒半錢五分 厚朴二錢 川椒炭一錢 熟附子製二錢 廣皮炭三錢

良姜二錢 南查炭三錢 炒神麴三錢 煮二盃分二次服服一帖如仍痛又

服一帖

廿九 陰邪愈後兼有癥瘕無補陰之理卽陽藥中之守補者亦不可用

茯苓五錢 姜半夏五錢 橘皮三錢 桂枝三錢 焦白芍三錢 生姜三片 苡仁

五錢 炒小茴香三錢 煮二盃分三次服○服二帖後凡五錢改作三錢凡

三錢改作二錢再服三五帖俟大能飲食早晚各服化癥回生丹一錢以

腹中癥瘕化盡爲度

癸巳九月十九 俞十九 伏暑誤表十數劑之多又誤下十數劑之多從古無此治法

初五日 以致正虛邪實泄瀉不止熱仍未退舌苔白滑脈弦細數急咳嗽喘急勉

與宣通肺氣蓋肺主氣氣化則溼熱俱化萬一邪退再議補正

生石膏 八錢 猪苓 五錢 姜半夏 五錢 茯苓皮 五錢 杏仁 二錢 炒黃芩 三錢
生苡仁 五錢 橘皮 三錢 白蔻仁 一錢 煮三盃分三次服外間服紫雪丹一
錢 分三次涼開水調

初七日 伏暑誤治前與宣通三焦仍以肺氣為主今日諸多見效熱亦退微見汗
惟咳嗽未除

茯苓皮 五錢 猪苓 五錢 炒於朮 三錢 姜半夏 五錢 杏仁 三錢 白蔻仁 一錢
生苡仁 五錢 橘皮 三錢 生薑汁 每盃沖三小匙 煮三盃分三次服 二帖 收功

溼溫

壬戌四月 王三十 證似溫熱但心下兩脇俱脹舌白渴不多飲嘔惡噯氣則非
廿二日 溫熱而從溼溫例矣用生薑瀉心湯之苦辛通降法

茯苓塊 六錢 生薑 一兩 古勇連 三錢 生苡仁 五錢 半夏 八錢 炒黃芩 二錢
生香附 五錢 乾姜 五錢 頭煎水八盃煮三茶盃分三次服約二時一盃二

煎用三盃水煮一茶盃明早服

廿三 心下陰羶已退澤已轉陽應清氣分之溼熱

煨石膏 五錢 連翹 五錢 廣鬱金 三錢 飛滑石 五錢 銀花 五錢 藿香梗 三錢

杏仁泥 三錢 蘆根 五寸 黃芩炭 三錢 古勇連 二錢 水八碗煮成三碗分三

次服渣再煮一碗服

廿四 班疹已現氣血兩燔用玉女煎合犀角地黃湯法

生石膏 一兩五錢 細生地 六錢 犀角 三錢 連翹 一兩 苦桔梗 四錢 牛蒡子

六錢 知母 四錢 銀花 一兩 炒黃芩 四錢 元參 八錢 人中黃 一錢 薄荷 三錢

水八大碗煮成四碗早中晚夜分四次服

廿五 面赤舌黃大渴脈沈肢厥十日不大便轉矢氣譫語下症也議小承氣湯

生大黃 八錢 小枳實 五錢 厚朴 四錢 水八碗煮成三碗先服一碗約三時

得大便止後服不便再服第二碗

又 大便後宜護津液議增液法

麥冬 不去心一兩 細生地 一兩 連翹 三錢 元參 四錢 炒甘草 一錢 金銀花

三錢 煮三碗分三次服能寐不必服

廿六 陷下之餘邪不清仍思涼飲舌黃微以調胃承氣湯小和之

生大黃 二錢 元明粉 八分 生甘草 一錢 頭煎一杯二煎一杯分兩次服

廿七 昨日雖大解而不爽脈猶沈而有力身熱不退而微厥渴甚面赤猶宜微

和之但恐犯數下之戒議增液承氣合玉女煎法

生石膏 八錢 知母 四錢 黃芩 三錢 生大黃 三錢另煎分三分每次沖一分

煮成三盃分三次服若大便秘而不紅黑後服止大黃

廿八 大便雖不甚爽今日脈浮不可下渴思涼飲氣分熱也口中味甘脾熱甚

也議用氣血兩燔例之玉女煎加苦藥以清脾瘴

生石膏 三兩 元參 六錢 知母 六錢 細生地 一兩 麥冬 不去心一兩 青勇連

三錢黃芩三錢煮四碗分四次服得涼汗止後服不渴亦止服

廿九 大用辛涼微甘合苦寒斑疹續出若許身熱退其大半不得再用辛涼重

劑議甘寒合化陰氣加辛涼以清斑疹

連翹三錢細生地五錢犀角三錢銀花三錢天花粉三錢黃芩三錢麥冬

五錢古勇連二錢薄荷一錢元參四錢煮三碗分三次服渣再煮一碗服

五月初一日 大熱雖減餘焰尙存口甘弄舌面光赤色未除猶宜甘寒苦寒合法

連翹三錢細生地六錢元參三錢銀花三錢炒黃芩三錢丹皮四錢麥冬

一兩古勇連一錢水八碗煮三碗分三次服

初二日 卽於前方內加暹羅犀角二錢知母一錢五分煮法服法如前

初三日 邪少虛多宜用復脈去大棗桂枝以其人本係酒客再去甘草之重甘加

二甲丹皮黃芩

麥冬一兩大生地五錢阿膠三錢丹皮五錢炒白芍六錢炒黃芩三錢炙

鱉甲 四錢 牡蠣 五錢 麻仁 三錢 頭煎三碗二煎一碗日三夜一分四次服

此甘潤化液複微苦化陰又苦甘鹹寒法

初四 尚有餘邪未盡以甘苦合化入陰搜邪法

元參 二兩 細生地 六錢 知母 二錢 麥冬 不去心 八錢 生鱉甲 八錢 粉丹皮

五錢 黃芩 二錢 連翹 三錢 青蒿 一錢 銀花 三錢 頭煎三碗二煎一碗分四

次服

初九 邪少虛多仍用復脈法

大生地 六錢 元參 四錢 生白芍 六錢 生阿膠 四錢 麥冬 八錢 生鱉甲 六錢

火麻仁 四錢 丹皮 四錢 炙甘草 三錢 頭煎三茶盃二煎一茶盃分四次服

乙丑四月 初七日 陳三十 面赤目赤舌苔滿佈如積粉至重之溫病也最忌發表且用

辛涼

苦桔梗 六錢 銀花 八錢 香豆豉 五錢 連翹 八錢 蘊香葉 五錢 廣鬱金 四錢

荊芥穗 五錢 杏仁 五錢 生甘草 三錢 牛蒡子 五錢 薄荷 四錢 共爲粗末分

八包一時許服一包蘆根湯煎去渣服

初九日

面赤目赤苔滿佈至重之溫熱病脈反緩而弦外熱反不盛口反不渴肢微厥所謂陽症陰脈乃本身陽氣不能十分充滿不肯化解耳茲與化

邪法

廣鬱金 二錢 杏仁 二錢 藿香 一錢 苦桔梗 一錢五分 荊芥穗 二錢 連翹心

一錢五分 銀花 二錢 青蒿 一錢 香豆豉 一錢五分 煮兩盃今晚一帖明早

一帖

十一日

溫病未有不渴而燥者今舌苔滿佈而不渴雖黃而滑脈緩甚熱不壯蓋夾溼之故也議從溼溫例治用苦辛寒法

生茅朮 三錢 杏仁泥 三錢 藿香 一錢 銀花 二錢 炒黃芩 一錢 白蔻仁 一錢

雅連 一錢 連翹 三錢 廣皮 二錢 鬱金 三錢 煮兩盃今晚一帖明早一帖

丙寅四月張三十
初八日 三歲 六脈弦細而勁陰寒證脈也咳嗽稀痰陰溼咳也舌苔刮白

而滑陰舌苔也嘔吐泄瀉陰溼症也雖發熱汗出而解乃溼中兼風病名
溼溫天下有如是之陰虛症乎

茯苓塊 四錢 桂枝 三錢 炒白芍 二錢 姜半夏 五錢 於朮 三錢 廣皮炭 二錢
生苡仁 五錢 澤瀉 四錢 生薑汁 每盃沖三小匙 煮三盃分三次服

初十日 痰飲兼風誤治成壞症前用溫平逐飲除風諸惡症俱減惟寒少熱多熱

後汗出未除現在面赤口渴暮夜譫語有風化熱之象但六脈尚弦未盡
轉陽也再咳嗽則胸脇小腹俱微痛又有金克木之象

桂枝 三錢 生石膏 六錢 青蒿 三錢 半夏 五錢 茯苓塊 四錢 生薑 三片 杏仁
三錢 焦白芍 二錢 大棗 去核二枚 猪苓 二錢 炙甘草 二錢 煮三盃分三次

服

十四日 脈弦數午後潮熱前有白苔茲變為黃嘔惡口渴頗有溼瘧之象但咳嗽

便溏又有溼溫之形伏邪內陷所致最難清理

生石膏 八錢 桂枝 四錢 生苡仁 五錢 飛滑石 六錢 知母 三錢 杏仁泥 三錢

茯苓皮 五錢 青蒿 二錢 炙甘草 二錢 煮三盃分三次服

初十日 其失其年月 六脈俱弦而細左手沈取數而有力面色淡黃目白睛黃自

春分午後身熱至今不愈曾經大瀉後身輒不渴現在雖不泄瀉大便久

未成條午前小便清午後小便赤濁與溼中生熱之苦辛寒法

飛滑石 六錢 茵陳 四錢 蒼朮炭 三錢 雪苓皮 五錢 杏仁 三錢 晚蠶沙 三錢

生苡仁 五錢 黃芩 二錢 白通草 一錢五分 海金沙 四錢 山連 一錢 煮三碗

分三次服

十三日 於前方內去蒼朮炭加石膏增黃連黃芩

丁卯七月 文三十 溼溫舌苔白滑厚濁脈象模糊或弦細而濡用通宣三焦法

先寒熱繼微熱後不熱更方三十餘帖大抵不出滲溼之苦辛淡法四十

五日以後方解解後以兩理脾胃收功

中燥

乙酉四月傳五十歲感受燥金之氣腹痛泄瀉嘔吐現在泄瀉雖止而嘔不能食

腹痛仍然舌苔白滑肉色刮白宜急溫之兼與行太陰之溼

雲苓塊五錢 吳萸二錢 川椒炭三錢 姜半夏五錢 良姜二錢 益智仁二錢

生苡仁五錢 廣皮三錢 公丁香一錢 煮三盃分三次服

廿二 背仍痛於原方加良姜一錢 吳萸一錢 桂枝五錢

廿七 已效陰氣未退再服三帖分四日服完

五月初 已服三帖痛減嘔與泄瀉俱止減川椒吳萸良姜之半又服六帖

十三 陰未化陽自不復且心下堅大如盤脈如故再服

乙酉四月謝四十歲燥金感後所傷者陽氣何得以大劑熟地補陰久久補之

陽困頓無怪乎不能食而嘔矣六脈弦緊豈不知脈雙弦者寒乎

半夏五錢 雲苓塊五錢 廣皮三錢 苡仁五錢 川椒炭三錢 生薑三錢 乾姜

二錢 公丁香八分 煮三盃分三次服

五月初於前方內加桂枝三錢 增乾姜一錢 減川椒炭之半

十一 嘔痛皆止飯食已加惟肢軟無力陽氣太虛加甘草合前辛藥爲辛甘補陽方法

十二 復感燥氣嘔而欲瀉於前方去甘藥加分量自愈六脈弦細如絲陽微之極

桂枝五錢 淡吳萸三錢 半夏五錢 雲苓五錢 川椒炭三錢 廣皮三錢 乾姜三錢 公丁香一錢五分 生薑五錢 煮三盃分三次服

廿七 諸症悉減脈稍有神於原方中去吳萸丁香之剛燥加苡仁之平淡陽明從中治也

乙酉四月十六日 李四十六歲 胃痛脇痛或嘔酸水多年不愈現在六脈弦緊皆起初感受吳氏醫案

中燥

三

燥金之氣金來克木木受病木有不克土者土受病之由來則自金始也此等山外感而延及內傷者自唐以後無聞焉議變胃而不受胃變法卽用火以克金也又久病治絡法

雲苓 五錢 生苡仁 五錢 枳實 四錢 半夏 五錢 川椒炭 三錢 生姜 五錢 膚皮 三錢 公丁香 一錢 煮三盃分三次服

廿三日 復診仍用原方

五月初二日 現在胃脘痛脇痛吐酸之症不發其六脈弦緊不變是胸中絕少太和之氣議轉方用溫平剛燥不可以久任也

桂枝 四錢 生苡仁 五錢 膚皮 三錢 半夏 五錢 雲苓 五錢 生薑 三錢 白芍 四錢 炙甘草 二錢 大棗 去核二枚 乾姜 一錢 煮三盃分三次服無弊可多服

十一日 診視已回陽原方去乾姜減桂枝之半

廿四日復診脈仍緊加益智仁餘仍照原方

桂枝一錢 焦白芍四錢 廣皮三錢 雲苓五錢 益智仁二錢 生薑三錢 半夏

五錢 炙甘草二錢 大棗去核二枚 苡仁五錢 煮三盃分三次服

乙酉五月初二日余五十歲胃痛脇痛脈雙弦午後更甚陰邪自旺於陰分也

半夏五錢 川椒炭三錢 吳萸二錢 苡仁五錢 公丁香一錢五分 香附三錢

降香三錢 山查炭二錢 廣皮三錢 青皮二錢 青橘葉三錢 煮三盃分三次

服接服霹靂散

十七日診視病稍減脈仍緊加小枳實三錢 減川椒炭一錢去山查炭青橘葉

廿四日脈之緊者稍和腹痛已止惟頭暈不寐且與和胃令麻再商後法

半夏一兩 小枳實三錢 雲苓五錢 苡仁一兩 煮三盃分三次服以得寐為

度如服一二帖仍不寐加半夏至二兩再服一帖

乙酉五月十六日譚七歲感受金涼胸痺頭痛脈弦細而緊

吳氏醫案

中燥

三

桂枝 三錢 姜半夏 三錢 廣皮 三錢 薤白 三錢 生苡仁 五錢 生薑 五片 厚朴

二錢 川椒炭 三錢 大棗 去核一枚 良姜 二錢 煮三盃分三次服

十八 燥氣雖化六脈俱弦舌苔白滑與陽明從中治用苦辛淡法忌酸甘

姜半夏 四錢 廣皮 三錢 生苡仁 五錢 雲苓塊 四錢 香附 三錢 益智仁 一錢

川椒炭 二錢 乾姜 一錢五分 白蔻仁 一錢五分 煮三盃分三次服

日一 脈仍弦緊熱藥難退咳嗽減效不更方右脇微痛於前方內增香附 三錢

日三 右脇痛甚脈弦緊如故於前方內加

旋覆花 包三錢 降香 三錢 蘇子霜 三錢

日六 脇痛咳嗽皆止痰尚多脈弦未和於前方去香附蘇子霜旋覆花降香加

桂枝 四錢 乾姜 一錢五分 以充其陽氣行痰飲和弦脈

霹靂散方 主治中燥吐瀉腹痛甚則四肢厥逆腿痛轉筋肢麻起臥不安煩

躁不寧再甚則六脈全無陰毒發斑疔瘰等症並一切癰寒固冷積聚之疾

寒輕者不可多服寒重者不可少服以愈爲度對症宜隨時頻服但非實在純受溼燥寒三氣陰邪者不可服孕婦對症五不忌

桂枝 六兩 降香末 五兩 烏藥 三兩 薤白 四兩 蓮澄茄 五兩 吳萸 四兩 苡仁

五兩 川椒炭 五兩 乾姜 三兩 附子 三兩 青木香 四兩 檳榔 二兩 防己 三兩

五靈脂 二兩 細辛 二兩 良姜 三兩 公丁香 二兩 雄黃 五兩 草果 二兩 水菖

蒲 二兩

方論按內經有五疫之稱五行偏勝之極皆可致疫雖病氣之至多見大症而燥金寒溼之疫亦復時有蓋風火暑三者爲陽邪與穢濁異氣相參則爲溫病溼燥寒三者爲陰邪與穢濁異氣相參則爲寒病現在見症多有肢麻轉筋手足厥逆吐瀉腹痛脇肋疼痛甚至反惡熱而大渴思涼者經謂霧傷於上溼傷於下此症乃燥金寒溼之氣直犯筋經由大絡別絡內傷三陰臟眞所以轉筋入腹卽死也既吐且瀉者陰陽逆亂也諸痛者燥金

寒水之氣所搏也其渴思涼飲者少陰篇謂自利而渴者屬少陰虛則少陰真水受尅陰火上炎故飲水求救也其頭面赤者陰邪內逼於上陽不能降安其位所謂戴陽也其周身惡熱喜涼者陰邪蟠踞於內陽氣無附欲散且脫也諸班疹者陰邪凝結於血絡同於陽火薰灼也陰病反見陽症所謂水極似火其受陰邪尤重也諸陽症畢現有認定爲陰寒者然必當臍腹痛甚拒按者方謂陽中見純陰乃爲真陰之症否則必有轉筋腿痛等寒症此處斷不可誤故立方會萃溫三陰經剛燥苦熱之品急溫臟眞保住陽氣又經爲陽明之上中見太陰又謂陽明從中治且重用芳香急驅穢濁一面由臟眞而別絡大絡外出筋經經絡以達皮毛一面由臟絡腑絡以通六腑外達九竅俾穢濁陰邪一齊立解大抵皆扶陽抑陰取義於雷霆奮迅所謂離照當空羣陰退避也

（後述）再此證自唐宋以後醫者皆不識燥氣所干凡見前證俗名曰痧近時竟

有著痧症書者捉風捕影雜亂無章害人不淺卽以病論未有不干天地之氣而漫然成痧者究竟所感何氣不能確切指出故立方毫無準的其誤皆由前人謂燥不爲病又有燥氣化火之說璠亦爲其所誤故初刻溫病條辨時雖再三疑慮多方辨難見於雜說篇中而正文祇有化氣之火證無勝氣之寒證其燥不爲病之誤誤在陰陽應象大論篇中脫秋傷於燥一條將在夏傷於溼又錯秋傷於溼以爲竟無燥證矣不知天元紀氣交變五運行五常政六微旨諸篇平列六氣燥氣之爲病與諸氣同何嘗燥不爲病哉經云風爲百病之長按風屬木主仁大易曰元者善之長也得生生之機開生化之源尙且爲病多端況金爲殺厲之氣歐陽氏曰商者傷也主義主收主刑主殺其傷人也最速而暴竟有不終日而死者璠目擊神傷故再三致意而後補於原書云

有藥其爲細末開水和服大人每服三錢病重者五錢小人減半再病

甚重者連服數次以痛止厥回瀉止筋不轉爲度

乙酉七月趙三十歲感受燥金之氣腹痛甚大嘔不止中有蓄水誤食水果

半夏一兩 川椒炭六錢 烏梅三錢 雲苓五錢 公丁香三錢 廣皮五錢 吳茱

四錢 小枳實三錢 生姜一兩 良姜四錢 以五碗水煮成二碗渣再煮三碗

另以生姜一兩 煮湯一碗候藥湯涼先服姜湯一口接服湯藥一口少停

半刻俟不吐再服第二口如上法以嘔止腹不痛爲度

廿五 燥氣腹痛雖止當臍仍堅按去微痛舌苔微黃而滑周身筋骨痛脈緩陽

明之上中見太陰當與陽明從中治例

桂枝六錢 焦白芍三錢 苡仁五錢 雲苓六錢 川椒炭二錢 防己三錢 半夏

五錢 公丁香一錢 生姜三錢 煮三盃分三次服服此身痛止

廿六 脈小於前身痛已止六脈未和舌黃苔白

雲苓五錢 大腹皮三錢 厚朴一錢五分 半夏五錢 川椒炭一錢 廣皮三錢

苡仁 五錢 白蔻仁 一錢五分 生姜 三錢 煮三盃分三次服

廿八 腹痛如故不寐加半夏 一兩

八月初 太陽癰

飛滑石 六錢 桂枝 六錢 片姜黃 三錢 雲苓塊 五錢 杏仁 五錢 晚蠶沙 三錢
生苡仁 五錢 防己 四錢 白通草 一錢 煮三盃分三次服

初六 腹脹停飲於前方去滑石加苦辛之通

大腹皮 三錢 厚朴 三錢 廣皮 三錢 小枳實 三錢

初十 六脈俱弦胃口不開腹脹肢倦宜通六腑及勞者溫之之法也

雲苓塊 五錢 桂枝 六錢 大腹皮 三錢 姜半夏 五錢 厚朴 二錢 小枳實 二錢

益智仁 三錢 廣皮 五錢 川椒炭 三錢 煮三盃分三次服服此方五帖而愈

張女 十五 燥金之氣直中入裏六脈全無踞臥如死四肢逆冷已過肘膝

腿痛轉筋與通脈四逆湯加川椒吳萸公丁香一犬劑厥回脈出一晝夜

次日以食粥太早復中宛如前症脈復厥體厥又死去矣仍用前方重加溫熱一劑厥回其半又二劑而復活後以補陽收功

顧

五十歲

直中燥氣嘔少瀉多四肢厥逆無脈目開無語睛不轉與逆脈四

逆湯加人參川椒吳茱丁香一劑而效三劑脈漸復重與補陽而愈

楊室女

五十歲

脇痛心煩懊憹拘急肢冷脈弦細而緊欲坐不得坐欲立不

得立欲臥不得臥隨坐即欲立剛立又欲坐坐又不安一刻較一刻脈漸小立刻要脫與解懸散不住灌之約計二時服散約計四兩而稍定後與兩和肝胃而全愈

鄭

六十歲

先是三月初九日得太陽中風與桂枝湯已愈十二日晚已卧下

身有微汗因廚房不戒於火止穿小汗衫一件未著襪出外救火俟火熄復卧一覺身微熱惡寒腹中脹痛脈弦數與桂枝柴胡各半湯汗出稍輕究不能解以後外雖化熱面赤汗多如溫病狀以當臍之痛未休百自不

燥斷不敢用辛涼而辛溫之藥或進或退十日不解至二十四日反重用溫熱反佐頂高黃連三錢次日表症裏症一齊俱解如失後與調理脾胃兩陽而全愈

多十六歲燥淫於內表裏兼病面赤身熱舌黃燥口渴六脈洪數而緊經謂脈盛大以瀦者寒也大便秘小便短通體全似火症只有當臍一點痛拒按此謂陽中之陰乃爲真陰與苦熱芳香一劑而熱退減分量三帖而病全愈

丁亥九月十三日華三歲感受燥金之氣陽明之上中見太陰胸痛脇痛腹脹泄瀉飲

咳皆太陰病也誤服寒涼勢已重大勉與開太陽合陽明法

雲苓皮五錢 猪苓三錢 厚朴二錢 姜半夏五錢 澤瀉三錢 乾姜二錢 桂枝

三錢 川椒炭三錢 廣皮四錢 廣木香一錢五分 煮三盃分三次服

十四日仍服一帖

吳氏醫案

中燥

五

日十五 燥症誤用涼藥泄瀉不止右脈如無左脈弦細而緊不寐痰飲咳嗽仍舊

惟胸脇痛止

雲苓皮 六錢 猪苓 四錢 大腹皮 三錢 姜半夏 八錢 澤瀉 四錢 廣木香 三錢

南蒼朮 炒二錢 桂枝 四錢 廣陳皮 三錢 煮四盃分四次服

日十六 再服一帖

日十七 諸症皆退惟餘咳嗽口渴與辛能潤法

雲苓皮 五錢 蘇梗 三錢 杏仁泥 三錢 姜半夏 六錢 乾姜 二錢 五味子 二錢

生苡仁 五錢 廣皮 三錢 炙甘草 三錢 煮三盃分三次服

日十八 於前方內減五味子一錢加炙甘草一錢 改雲苓皮爲塊

日十九 咳嗽已止脈靜身涼惟舌白口乾尙有伏飲調理飲食要緊藥與通補脾

胃兩陽

雲苓塊 三錢 益智仁 二錢 廣皮 一錢 姜半夏 三錢 蒼朮炭 二錢 生薑 三片

生苡仁 五錢 炙甘草 二錢 大棗 去核二枚 煮三盃分三次服

二十以後通補中焦可收功

丁亥九月 李氏 歲 十六脈陽微之極絃細而緊內而飲聚外而癰痛兼之內苛

飲食減少得食易嘔乃內傷生冷外感燥金之氣而然以急救三焦之陽與陽明之陽為要

桂枝 三錢 姜半夏 六錢 乾姜 三錢 降香 三錢 雲苓塊 連皮五錢 苡仁 五錢
吳茱 一錢五分 川椒炭 三錢 廣皮 三錢 薤白 三錢 公丁香 一錢 生薑 五大片 煮四盃日三夜一分四次服二帖

三十陽虛已久急難猝復餘有原案

姜半夏 一兩 雲苓皮 五錢 厚朴 三錢 小枳實 三錢 薤白 三錢 川椒炭 三錢
廣皮 五錢 乾姜 三錢 生薑 五大片 公丁香 二錢 煮三盃分三次服三帖

十月初如是剛燥脈仍弦緊受病太深之故於前方內去薤白加川椒炭 五錢

再服三錢

初六

陽氣稍復痰飲上冲咳聲重濁晝夜不寐暫與蠶樞半夏湯和胃令得寐

姜半夏

二兩

廣皮

五錢

秫米

一合

雲苓塊

五錢

甘瀾水

十盃

煮成四盃

日

三夜一分四次服二帖

初八

陽微飲聚不寐與半夏湯已得寐但六脈無神陽難猝復病久而又誤用

陰柔苦寒之故一以復陽爲要

姜半夏

八錢

桂枝

五錢

川椒炭

三錢

雲苓塊

六錢

乾姜

三錢

小枳實

一錢

杏仁泥

三錢

廣皮

三錢

炙甘草

二錢

甘瀾水

八盃

煮三盃

分三次服

二帖

初十

脈之緊者已和諸見症亦減但脈仍太細陽未全復

姜半夏

五錢

桂枝

三錢

焦白芍

三錢

雲苓塊

五錢

乾姜

二錢

川椒炭

一錢

小枳實

一錢

炙甘草

二錢

廣皮炭

三錢

煮三小茶盃

分三次服

四帖

十四

胃不和則卧不安飲以半夏湯脈又弦緊胃陽爲痰飲所困皆日前過傷

生冷之故

姜半夏二兩 公丁香一錢五分 秫米一合 川椒炭三錢 煮三盃分三次服

二帖

十七日 痰飲喘咳不得卧周身覺冷脈弦緊陽虛極矣

姜半夏一兩 桂枝五錢 乾姜四錢 小枳實五錢 杏仁四錢 廣皮五錢 川椒

炭三錢 煮三盃分三次服 此方服至二十餘帖或作或止後以蠲飲丸

收功

戊子十月二十日 某 燥金克木由厥陰外犯太陽季脇偏右攻腰痛不發於春夏而

發於冬令不發於已前而發於午後六脈弦數其爲陰邪留滯絡中沈着

不移可知以故久而不愈此症當於絡中求之

霹靂散 四兩 每服二錢每日早中晚三次開水和服以清絡中之邪

又 金匱謂凡病至其年月日時復發者當下之此症病發時不得大便乃肝

主疏泄肝受病則不得疏泄但不可寒下耳

天台烏藥散 一錢 加巴豆霜 六厘 以泄絡中沈着之伏邪庶可拔其根也

戊子八月十八日 瑞二 感受燥金之氣表裏兼受與各半湯加苦溫甘熱法

桂枝 五錢 姜半夏 四錢 廣皮 三錢 柴胡 三錢 川椒炭 三錢 生薑 二錢 吳茱萸

三錢 炙甘草 一錢 大棗 去核二枚 黃芩 三錢 煮三盃分三次服

廿三 十九至廿二日誤服他人苦寒藥今議陽明從中治燥中見溼故宗其法

桂枝木 五錢 豬苓 三錢 淡吳茱萸 三錢 姜半夏 四錢 川椒炭 存性三錢 澤瀉

三錢 雲苓皮 六錢 乾姜 三錢 炒真山連 二錢 蒼朮炭 三錢 煮三盃分三次

服

廿四 六脈俱弦怯寒泄瀉表裏三陽皆虛仍與陽明從中治法

桂枝 五錢 姜半夏 五錢 吳茱萸 三錢 豬苓 三錢 雲苓塊 連皮六錢 乾姜 三錢

澤瀉 三錢 川椒炭 二錢 廣皮 二錢 蒼朮 三錢 煮三盃分三次服

廿五 燥症木屬陰邪誤用大苦大寒致傷胃陽晝夜無眠與胃不和則卧不安

例之半夏湯

姜半夏 二兩 秫米 二合 急流水 八盃 煮取三盃分三次服二帖

廿七 燥症誤服涼藥胃陽受傷以致不食不飢不便不寐峻用半夏湯和胃稍有轉機仍以和胃爲要

雲苓 半塊 半皮 五錢 姜半夏 一兩 秫米 一合 廣皮 三錢 小枳實 二錢 姜汁 每盃沖二三茶匙 煮三盃分三次服二帖

廿九 胃不和兩用半夏湯和胃已得眠食腹中疝瘕未消微痛脈弦夜間身微熱七日不大便小便短赤與辛通苦降痰滲法

姜半夏 六錢 青皮 二錢 公丁香 七分 小茴香 三錢 炒山連 一錢五分 吳萸 三錢 川椒炭 三錢 廣皮 三錢 煮三盃分三次服

九月初一日 腹脹甚於前方內加 生苡仁 五錢 半夏 二錢 炒山連 五分 厚朴 三錢

雲苓皮 三錢 再服二帖分量加則力更進

初三日 於前方內去丁香五分山連五分仍服二帖

初五日 疝瘕寒熱俱未盡除

姜半夏 八錢 吳萸 三錢 炒小茴香 三錢 雲苓塊 五錢 厚朴 二錢 青蒿 二錢

川椒炭 三錢 桂枝尖 三錢 檳榔剪 一錢 公丁香 五錢 廣皮 三錢 煮三盃分

三次服服此方二帖方見大效

初七日 前日大用剛熱下焦方知藥力其中寒甚可知猶宜溫熱兼之透絡

桂枝 三錢 炒小茴香 三錢 厚朴 二錢 半夏 五錢 川椒炭 三錢 檳榔剪 一錢

青蒿 八分 吳萸 三錢 公丁香 一錢五分 廣皮 三錢 良姜 一錢 煮三盃分三

次服二帖

己丑正月 檀氏 二十歲 燥金克木連少腹久痛不休腿腳俱痛兼有溢飲與陽明

從中治法

姜半夏 五錢 雲苓 半塊 半皮 六錢 淡吳萸 三錢 川椒炭 六錢 益智仁 三錢

良姜 三錢 公丁香 一錢五分 廣皮 三錢 煮三盃分三次服七帖

瘡

癸酉七月十六日 吳廿五歲 但寒不熱似乎牝瘡然渴甚皮膚捫之亦熱乃伏暑內發新

涼外加熱未透出之故仍用苦辛寒法加以升提

飛滑石 三錢 花粉 二錢 藿香葉 一錢 杏仁泥 三錢 知母 一錢 廣鬱金 一錢

生苡仁 三錢 青蒿 一錢 白蔻仁 二錢 老厚朴 一錢 黃芩 一錢 煮三盃分三

次服

十七日 但寒不熱之瘡昨用升提已出陽分渴甚脈洪數甚熱反多昨云熱邪深

伏未曾透出不得作牝瘡看非虛言也用苦辛寒重劑

生石膏 八錢 厚朴 三錢 廣鬱金 三錢 飛滑石 三錢 知母 二錢 白蔻仁 三錢

杏仁粉 五錢 黃芩 一錢 生甘草 一錢五分 藿香梗 三錢 煮三盃分三次服

丙寅正月伊氏二十歲妊娠七月每日午後先寒後熱熱到戌時微汗而解已近初七日

十日此上年伏暑成瘧由初春升發之氣而發病在少陽與小柴胡法

柴胡五錢 姜半夏四錢 生薑二錢 人參二錢 炙甘草二錢 大棗去核二枚

黃芩三錢 煮三盃分三次服一劑寒熱減二帖減大半第三日用前方三分之一全愈

庚申八月朱三十歲體厚本有小腸寒溼糞後便血舌苔灰白而厚中黑滑嘔惡不食但寒不熱此溼瘧也與劫法

茯苓塊五錢 生草果三錢 熟附子一錢 生蒼朮五錢 杏仁三錢 檳榔三錢

黃芩炭三錢 生苡仁五錢 煮三盃分三次服

廿八日前方服三帖而病勢漸減舌苔化黃減其製再服三帖而寒來甚微一以理脾為主

姜半夏三錢 苡仁二錢 白苡仁二錢 炒於朮三錢 廣皮三錢 黃芩炭二錢

益智仁 二錢 煮三盃分三次服服七帖而胃開

孫四十少陰三瘧二年不愈寒多熱少脈弦細陽微損及入脈與通補奇

經丸 四兩 服完全愈

蕭三十少陰三瘧久而不愈六脈弦緊形寒嗜卧發時口不知味不渴腎

氣上泛面目黧黑與扶陽湯法

生剉未先 用酒煎 毛鹿茸 三錢 桂枝 三錢 當歸 二錢 熟附子 二錢 人參 一錢 蜀漆

二錢 煮三盃分三次服四帖

乙酉四月 鄭五十 脈雙弦伏暑成瘧間三日一至舌苔白滑熱多寒少十月之

久不止邪已深入急難速出且與通宣三焦使邪有出路勿得驟補

雲苓皮 五錢 知母 三錢 杏仁泥 三錢 生苡仁 五錢 炒黃芩 二錢 青蒿 一錢

藿香梗 三錢 姜半夏 三錢 白蔻仁 二錢 煮三盃分三次服

廿六加青蒿 一錢 白蔻仁 一錢 服四帖

五月初 脈緊汗多加桂枝 三錢 服二帖

初六日 脈已活動色已華寒大減熱亦少減其計減其半汗至足底時已早至八

刻議去青蒿加黃芩 一錢 舌苔雖減而仍白餘藥如故再服四帖

十四日 三瘧與宣三焦右脈稍大熱多汗多舌苔之白滑雖薄而未盡化溼中生

熱不能驟補與兩清溼熱

茯苓皮 五錢 黃芩 三錢 杏仁泥 三錢 姜半夏 五錢 知母 三錢 生苡仁 五錢

白薏仁 一錢五分 黃連 姜汁炒二錢 白通草 一錢 煮三盃分三次服

十九日 加廣皮炭 三錢 藿香梗 三錢 服四帖

廿二日 病減者減其製每日服半帖六日服三帖

廿九日 病又減去黃連加益智仁以其脈大而尙緊也仍以六日服三帖

六月初 餘邪未盡仍以六日服三帖

十三日 三瘧與宣化三焦十退其九白苔尙未盡退今日診脈弦中兼緩氣來至

靜是陽氣未充議於前法退寒進辛溫

茯苓塊連皮五錢桂枝三錢檀香梗三錢杏仁泥三錢焦白芍二錢黃芩

炭三錢姜半夏五錢苡仁五錢白蔻仁研三錢益智仁三錢廣皮三錢煮

三盃分三次服

廿三 左脈弦緊右大而緩舌白未化瘧雖止而餘溼未消此方仍服去白蔻仁

一錢黃芩炭一錢益智仁一錢以後又服八帖

七月初二日 四瘧已止胃亦開脈已回陽與平補中焦

茯苓塊五錢焦於朮三錢炙甘草二錢姜半夏三錢生苡仁五錢白蔻仁

一錢五分 生姜三片廣皮炭三錢大棗去核二枚煮三盃分三次服服七

帖後可加人參二錢服至收功

八月初八日 丸方 瘧後六脈俱弦微數與脾腎雙補法

茯苓六兩何首烏四兩炒黑杞子四兩野朮四兩沙蒺藜二兩蓮仁五錢

人參 四錢 五味子 二兩 蓮子 去心六兩 山藥 四兩 右爲細末煉蜜爲丸如

梧子大每服二三錢開水送每逢節氣以遼參三五分煎湯送

乙酉六月高十六歲 閏三瘧脈弦暑邪深入矣

滑石 五錢 茯苓皮 三錢 知母 二錢 杏仁 三錢 製半夏 三錢 黃芩 三錢 柴胡

二錢 藿香葉 三錢 生薑 三片 青蒿 三錢 白蔻仁 一錢 大棗 去核二枚 以仁

三錢 炙甘草 一錢 煮三盃分三次服

十二 診脈數熱重加知母 二錢

廿三 瘧止熱退去知母柴胡青蒿生薑大棗改藿香梗 二錢 減滑石 二錢

廿九 餘邪已輕再服數帖

朱 八歲 但寒不熱舌苔白滑而厚三四日灰黑而滑五六日黑滑可畏脈

沈弦而緊太陰寒溼之瘧與牝瘧相參但牝瘧表寒重此則偏於在裏之

寒溼重也初起三日用桂枝蒼朮草果茯苓仁廣皮澤瀉猪苓三四日

加附于五六日又加蒼朮草果分量再加生姜舌苔始微化黃惡寒漸減服至十二三日舌苔惡寒皆始退癰愈之後峻補脾腎兩陽然後收功

乙酉七月廿五日姚二十久瘧不愈寒多舌苔白滑溼氣重也宜通宣三焦微偏於溼

杏仁五錢 茯苓皮五錢 青蒿二錢 半夏五錢 煨草果一錢五分 廣皮四錢

苡仁五錢 炒黃芩一錢五分 生姜三片 薏仁三錢 煮三盃分三次服

八月初三日 前方服六帖瘧疾已止照原方去草果青蒿加滑石六錢 益智仁三錢

冬溫

甲子十一張六十舌黃口渴頭不痛而惡寒面赤目赤脈洪熱甚形似傷寒實乃冬溫挾痰飲與伏暑一類

連翹六錢 苦桔梗八錢 荆芥穗五錢 金銀花六錢 廣鬱金三錢 廣皮三錢

半夏八錢 藿香梗五錢 甘草三錢 杏仁六錢 白通草三錢 共爲粗末分七

包一時許服一包蘆根湯煎

廿六 於前方內去芥穗通草

廿七 冬溫餘熱未清

連翹 三錢 細生地 三錢 薄荷 一錢 銀花 二錢 苦桔梗 三錢 黃芩 一錢五分

杏仁 三錢 炒知母 二錢 甘草 一錢 水五盃煮兩盃分兩次服

廿九 溫病渴甚熱甚面赤甚脈洪甚

石膏 八錢 苦桔梗 五錢 荆芥穗 三錢 連翹 三錢 杏仁泥 五錢 廣鬱金 二錢

銀花 二錢 姜半夏 四錢 甘草 三錢 薄荷 二錢 煮三盃分三次服

三十 溫病最忌食復況老年氣血已衰再復則難治矣口渴甚痰多脇痛

銀花 五錢 苦桔梗 五錢 半夏 六錢 連翹 三錢 杏仁霜 五錢 薄荷 一錢五分

石膏 四錢 廣鬱金 三錢 甘草 二錢 煮成三盃分三次服

初二日 大勢已退餘熱尙存仍須清淡數日無使邪復

連翹 二錢 細生地 五錢 元參 二錢 銀花 二錢 丹皮 二錢 黃芩 二錢 麥冬

不去心五錢 生甘草二錢 頭煎二盃二煎一盃分三次服

初三日 脈洪滑即於前方內加半夏三錢

廿二日 某 脈不浮而細數大渴引飲大汗裏不足之熱病也用玉女煎法

知母四錢 生石膏一兩 甘草三錢 麥冬五錢 細生地五錢 京米一撮 桑葉三錢 煮三盃分三次服

廿三日 溫熱大渴大汗脈數昨用玉女煎法諸症俱減平素有消渴病用玉女煎

大便稀瀉加牡蠣一面護陰一面收下

牡蠣一兩 生石膏五錢 炙甘草三錢 麥冬五錢 大生地五錢 炒知母二錢

京米一撮 煮三盃分三次服

丙寅十一月初一日 某 冬溫脈沈細之極舌赤面赤譫語大便閉邪機純然在血分之

裏與潤下法

細生地六錢 元參六錢 粉丹皮三錢 生大黃五錢 麥冬 不去心六錢 生甘

草二錢 元明粉一錢 煮三盃先服一盃得快便止後服外服牛黃清心丸二九

初一日 冬溫謗語神昏皆誤表之故邪在心包宜急急速開膈中不然則內閉外

脫矣大便閉面正赤昨因潤下未通經謂下不通者死非細故也得藥則

嘔忌甘也先與廣東牛黃丸二三以開膈中繼以大承氣湯攻陽明之實

生大黃八錢 元參八錢 老厚朴二錢 元明粉三錢 丹皮五錢 小枳實四錢

煮三盃先服一盃得便即止不便再服

傷寒

癸亥二月 唐五十八歲 太陽中風尚未十分清解兼之溼痺髀痛

茯苓皮五錢 桂枝四錢 片姜黃二錢 杏仁三錢 防己三錢 厚朴二錢 陳橘

皮一錢五分 晚蠶沙三錢 炙甘草一錢五分 煮三盃分三次服二帖

初四日 行經絡而和營衛則風痺自止

桂枝 八錢 焦白芍 四錢 生薑 五片 防己 六錢 生於朮 五錢 大朮 去核二枚

半夏 五錢 炙甘草 三錢 水 八碗 煮取三碗分三次服頭一次飲稀粥令微

汗佳其二三次不必啜粥

初五日 左脈沈緊即於前方內加 熟附子 五錢

初六日 脈洪大而數經絡痛雖解而未盡除痺也小便白而濁溼也

飛滑石 五錢 桂枝 三錢 生苡仁 五錢 茯苓皮 五錢 猪苓 三錢 黃柏炭 一錢

杏仁泥 五錢 澤瀉 三錢 白通草 三錢 煮三碗分三次服

初七日 昨膨開肺與大陽痲法溼滯已下小便亦清身熱已退但大便與痰中微

有血跡症從寒溼化熱而來未便即用柔藥以清血分今日且與宣行肺

陽右脈仍見數大可加苦藥如明日血分未清再清血分未遲

飛滑石 五錢 半夏 三錢 生苡仁 五錢 杏仁泥 三錢 厚朴 二錢 黃柏炭 一錢

黃芩炭 二錢 廣皮 一錢五分 細蘇梗 一錢 頭煎兩盃二煎一盃分三次服

初八日 舌苔仍有新白衣被稍薄而畏寒身熱已退陽虛溼氣未淨無疑

姜半夏 五錢 桂枝 三錢 焦白芍 二錢 生苡仁 五錢 厚朴 二錢 生茅朮 二錢

杏仁泥 三錢 廣皮 一錢五分 全當歸 一錢五分 頭煎兩盃二煎一盃分三

次服二帖

初十日 諸症向安惟營氣阻滯不和寐不實寐後自覺身涼以調和營衛為主

桂枝 三錢 茯苓塊 三錢 廣皮 一錢五分 白芍 三錢 生苡仁 五錢 生薑 三片

半夏 六錢 炙甘草 二錢 大棗 去核二枚 頭煎兩盃二煎一盃分三次服六

十六日 營衛已和即於前方內增白芍 二錢 加膠飴 三錢 服七帖而安

癸亥二月十六日 唐氏 五十六歲 太陽中風漏汗桂枝加附子湯主之

桂枝 六錢 焦白芍 四錢 生薑 三片 炙甘草 三錢 熟附子 三錢 大棗 去核三

枚 煮三盃分三次緩緩服

十七日 中風漏汗兼之腎水上凌心心悸腹痛昨用桂枝加附子湯諸症悉退今

左脈沈緩右脈滑數表雖清而濁陰未退議苓桂伐腎邪歸荷溫衝脈吳
萸半夏生姜兩和肝胃白芍以收陰氣合桂枝而調營衛加黃芩一以清
風化之熱合諸藥爲苦辛通法此外感之餘兼有下焦裏証之治法也
茯苓塊 五錢 桂枝 四錢 淡吳萸 三錢 姜半夏 四錢 青皮 一錢五分 全當歸
炒黑三錢 小茴香 炒黑三錢 生姜 三片 黃芩炭 一錢 焦白芍 一錢 甘瀾水
煮三盃分三次服

十九 脈緩濁陰久踞兼有滯物續下用藥仍不外苦辛通法稍加推蕩之品因
其勢而利導之大意通補陽明之陽正以驅濁陰之陰若其人陽明本旺
胃陰自能下降六腑通調濁陰何以能聚再胃旺自能坐鎮中州濁陰何
能越胃而上攻心下反覆推求病情自現

桂枝尖 四錢 厚朴 三錢 焦白芍 二錢 茯苓塊 三錢 青皮 一錢五錢 小枳實
一錢五分 淡吳萸 三錢 烏藥 二錢 廣木香 一錢 小茴香 三錢 吳萸同炒黑 廣皮

一錢 黃芩炭 一錢 川棟子 二錢 煮三盃分三次服

凡痛脹滯下必用苦辛通降兼護陽明固不待言前法業已見效細詢病情已十有餘年以半產後得之誤用壅補而成按久病在絡再痛脹偏左下至少腹扳着其中必有瘀滯非純用湯藥所能成功蓋湯者蕩也滌蕩腸胃通和百脈固其所長至於細雕密鏤緩行攻絡是其所短非兼用化癥回生丹緩通不可且湯劑過重有癢散為蠱之虞不得不思患豫防也桂枝尖 一錢 半夏 三錢 廣木香 八分 炒白芍 二錢 厚朴 一錢 地榆炭 一錢 降香末 二錢 紅花 七分 炒桃仁 一錢五分 川棟子 二錢 小茴香 炒黑二錢 廣鬱金 一錢 全當歸 炒黑一錢 烏藥 一錢五分 兩頭尖 二錢 黃芩炭 一錢 黃連 八分 廣皮炭 八分 甘瀾水煎前後四盃日三夜一分四次服五帖昔李東垣用藥有至三十餘味者張仲景鱉甲煎亦有三十幾味後人學問不到妄生議論不知治經治以急急則用少而分量多治絡治以緩緩

則用多而分量少治新則用急治舊則用緩治急可獨用治舊必用眾獨則無推諉而一力成功眾則分功而互相調濟此又用藥多寡之權衡也
兼服化癥回生丹 一丸

廿七 宣絡法兼兩和肝胃

炒白芍 六錢 半夏 三錢 炒丹皮 三錢 製香附 二錢 全當歸 三錢 川芎 五分

炒蒺藜 三錢 小茴香 炒黑三錢 炒青皮 八分 煮三盃分三次服

廿八 麻仍不實於前方內加 生苡仁 六錢 半夏 一錢 服三帖

三月初一日

姜半夏 五錢 全當歸 三錢 製香附 一錢五分 降香末 一錢 良姜 二錢 桃仁

泥 一錢五分 小茴香 三錢 烏藥 二錢 廣皮炭 八分 乾姜炭 五分 青皮 八分

煮三盃分三次服

初五日 終癢多年腹痛脹攻胃食後腹脹今搜去絡中瘀滯飢甚則如刀刮竹絡

氣虛也與通補絡法

炒白芍 六錢 丹參 三錢 炒杞子 一錢 白歸身 三錢 丹皮 三錢 桂圓肉 三錢

小茴香 一錢 煮三盃分三次服 九帖全愈

甲子二月 吳氏 廿三 頭項強痛而惡寒脈緩有汗太陽中風主以桂枝湯

桂枝 三錢 炙甘草 二錢 大棗 去核二枚 白芍 二錢 生姜 三錢 水 五盃 煮二

盃頭盃即啜稀熱粥令微汗佳有汗二盃不必啜粥無汗仍然

廿四 不解於前方內加 羌活 五錢

廿五 服前方藥已脈靜身涼不肯避風因而復中脈緊無汗用麻黃湯法

麻黃 自去節三錢 白芍 三錢 生姜 三片 桂枝 三錢 炙甘草 二錢 羌活 二錢

大棗 去核二枚 煮兩盃分兩次服

廿六 服前藥不知身重疼痛其人肥而陽氣本虛平素面色淡黃舌白溼氣又

重非加助陽勝溼之品不可於前方內加重

麻黃去節五錢杏仁泥三錢白朮三錢桂枝二錢其成五錢熟附子三錢炙甘草

一錢共水五碗先煮麻黃去上沫入諸藥取二碗分二次服汗出一帖而

甲子三月唐九歲頭風惡寒脈緊言慄肢冷舌色淡太陽中風雖係季春天氣

不得看作春溫早間陰晦雨氣甚寒以桂枝二麻黃一法

桂枝六錢杏仁五錢生姜六片麻黃去節三錢炙甘草三錢大棗去核二

枚煮三盃先服一盃得微汗止後服不汗再服再不汗促役其間

日十七 於原方倍麻黃減桂枝加 附子三錢一帖

日十八 照原方服一帖

日十九 諸症悉減藥當暫停以消息之

日二十 中風表解後言蹇減食則汗頭引痛舌白滑脈微緊宜桂枝加附子湯除

風實表護陽

桂枝六錢焦白芍四錢生姜五片附子三錢炙甘草二錢大棗去核二枚

水五盃煮二盃分溫二服渣再煮一盃服

日廿一表解後復中惡寒胸痞舌苔厚而白脈遲緊裏急

桂枝六錢茯苓五錢厚朴三錢以仁五錢熟附子四錢乾姜三錢茅朮

三錢小枳實二錢廣皮二錢日二帖

日廿二於前方內去茯苓減以仁加炙甘草二錢生薑二兩日二帖

日廿三諸證悉衰當減其製照前方日服一帖

日廿四中風表解後餘邪入裏舌黃身熱胸痞議瀉心湯瀉其痞

半夏六錢黃芩炒半黃三錢生薑五錢乾姜五錢黃連炒半黃二錢頭煎

兩盃二煎一盃分三次服

某先寒後熱脇痛腰痛少陽症也議從少陽領邪外出太陽法

柴胡六錢黨參三錢甘草三錢桂枝四錢黃芩三錢羌活一錢五分生薑

三片半夏一錢五分煮三盃分三次服

又 熱後寒退熱存脇脹

半夏 五錢 廣鬱金 二錢 生薑 三錢 黃芩 四錢 廣皮炭 一錢五分 香附 三錢

大棗 去核二枚 生甘草 一錢五分 煮三盃分三次服

廿五 張 今年風木司天現在寒水客氣故時近初夏猶有太陽中風之症按

太陽中風係傷寒門中第一關最忌誤下時人不讀晉唐以上之書故不識症之所由來仲景謂太陽至五六日太陽症不罷者仍從太陽驅去宜桂枝湯現在頭與身仍微痛既身熱而又仍惡風寒的是太陽未罷理宜用桂枝湯但其人素有溼熱不喜甘又有微咳議於桂枝湯內去甘藥加辛燥服如桂枝湯法

桂枝 六錢 半夏 四錢 廣皮 三錢 白芍 四錢 杏仁 三錢 水 八盃 煮成三盃先

服一盃卽啜稀熱粥令微汗佳有汗二三盃不必啜粥無汗仍然

廿六 太陽中風誤下胸痞四五日太陽症未罷昨用太陽症仍在例之桂枝湯

法今日惡寒已罷頭目已清惟胸痞特甚不渴舌白而壯熱泄瀉稀水頻仍仲景法云病發於陽而誤下之成胸痞者瀉心湯主之今用其法

再經謂脈不動數者爲不傳經也昨日以動數太甚斷無不傳之理可畏在此

茯苓連皮五錢 乾姜五錢 生薑三片 半夏五錢 黃連三錢 煮三五分三次

服

日廿七

太陽中風誤下前日先與解外昨日太陽症罷卽瀉胸痞今日胸痞解惟自利不渴舌灰白脈沈數經謂自利不渴者屬太陰也太陰宜溫但理中之人參甘草恐不合拍議用其法而不用其方

茯苓連皮一兩 蒼朮炭四錢 乾姜五錢 半夏六錢 廣皮炭二錢 生薑五錢

煮三五分三次服

日廿八

太陽中風先與解外外解已卽與瀉誤下之胸痞痞解而現自利不渴之

太陰症今日口不渴而利止是陰出陽也脈亦頓小其半古云脈小則病退但仍沈數身猶熱而氣粗不寐陷下之餘邪不淨仲景傷寒論謂真陰已虛陽邪尙盛之不寐用阿膠雞子黃湯按此湯重用黃芩黃連議用甘草瀉心法

半夏五錢 黃芩四錢 生姜三錢 雲苓三錢 山連三錢 大棗去核一枚 甘草

三錢 煮三盃分三次服

廿九日 脈沈數陰經熱陽經不熱是陷下之餘邪在裏也氣不伸而噦噦者傷寒門中之大忌也皆誤下之故議少用丁香柿蒂湯法加黃連以徹裏熱疏逆氣

公丁香二錢 黃芩三錢 柿蒂九枚 真山連一錢 廣皮二錢 姜汁沖三茶匙

煮二盃分二次服

初一日 誤下成胸痞自利兩用瀉心胸痞自利俱止但陷下之邪與受傷之胃氣

搏而成噦昨用丁香柿蒂湯去人參加苓連方雖易仍不外仲景先師苦辛通降之法病者畏而不服今日噦不止而左脈加進勉與仲景噦門中之橘皮竹茹湯其力量減前方數等矣所以如此用者病多一日則氣虛一日仲景於小柴胡湯中即用參況誤下中虛者乎

廣皮六錢 半夏三錢 生薑五錢 竹茹五錢 炙甘草四錢 人參二錢若無人參以洋參代之
之大棗去核四枚 煮三盃分三次服

日初二 誤下中虛氣結成噦昨與金匱橘皮竹茹湯今日噦減過半古謂效不更方仍用前法但微喘而舌苔白仲景謂喘家加厚朴杏子佳議以前方內加厚朴杏仁

廣皮六錢 老厚朴二錢 生薑三錢 竹茹五錢 杏仁泥三錢 大棗去核二枚

洋參三錢 炙甘草五錢 煮三盃分三次服

日初三 於原方內加柿蒂三錢

初四 誤下之陷症噦而喘昨連與金匱橘皮竹茹湯一面補中一面宣邪茲已

邪遺諸惡候如失脈亦漸平但其人宗氣受傷不淺議與小建中湯加橘

皮半夏小小建立中氣調和營衛兼宣胃陽令能進食安眠

焦白芍 六錢 桂枝 四錢 生薑 三片 新會皮 一錢 半夏 四錢 大棗 去核二枚

炙甘草 三錢 膠飴 一兩 去渣後化入攪令勻再上火二三沸煮三盃分三次服

初五 病解後微有飲咳議與小建中去膠飴加半夏廣皮茯苓苡仁薏仁杏仁

桂枝 四錢 炒白芍 六錢 廣皮 三錢 半夏 五錢 茯苓塊 三錢 生薑 三片 苡仁

五錢 白薏仁 一錢 大棗 去核二枚 杏仁 二錢 炙甘草 三錢 煮三盃分三次

服

初六 病後兩服建中胃陽已復脾陽不醒何以知之安眠進食是爲胃陽復舌

起白滑苔小便短大便不解脈作數是脾陽未醒而上蒸於肺也議與宣

利三焦法以醒脾陽

半夏 五錢 小枳實 三錢 苡仁 五錢 茯苓 五錢 益智仁 一錢 廣皮 三錢 杏仁

五錢 白通草 一錢 煮三盃分三次服

初八 大小便已利脈仍洪數舌白滑苔未除仍宜苦辛淡法轉運脾陽宣行溼

熱

茯苓皮 五錢 半夏 五錢 黃柏炭 三錢 生苡仁 五錢 杏仁 三錢 蒼朮炭 三錢

白蔻仁 一錢五分 廣皮 一錢五分 黃芩炭 三錢 煮三盃分三次服

十一 脈仍沉數舌苔反白滑仍宜建中行溼以除伏邪溼最傷氣非溼去氣不

得健與急劫溼法

茯苓皮 五錢 製蒼朮 四錢 白蔻仁 一錢五分 姜半夏 五錢 生苡仁 五錢 黃

芩炭 二錢 煨草果 四錢 黃柏炭 二錢 炒廣皮 一錢五分 杏仁泥 三錢 益智

仁 二錢 煮三盃周十二時服完

乙酉十一日 吳六歲 內熱外寒兼發熱 飲喉啞咳嗽痰多頭痛惡寒脈浮與麻杏

石甘湯加半夏廣皮苦桔梗

生石膏六兩麻黃去節五錢苦桔梗六錢姜半夏一兩廣皮四錢炙甘草

四錢杏仁泥八錢煮四盃先服一盃得汗即止不汗再服汗後避風

十四肺脈獨浮去麻黃三錢

十七脈浮喉啞咳嗽痰多

生石膏四兩麻黃去節三錢桔梗五錢半夏六錢廣皮三錢炙甘草二錢

杏仁六錢煮三盃先服一盃得汗止後服

廿三脈浮喉啞咳嗽痰多內飲招外風為病與大青龍湯法

麻黃去節五錢生石膏四兩廣皮五錢杏仁八錢姜半夏八錢生薑三錢

桔梗五錢炙甘草三錢大棗去核二枚煮二盃先服一盃得汗止後服不

汗再服

廿四病減者減其製去麻黃三錢廣皮生薑大棗於原方加木通一錢以小便

短也

廿七 喉復啞脈洪數小便已長照前方去木通加生石膏二兩

乙酉十一 趙十三 頭痛脈浮弦不甚緊無汗與杏蘇散法

杏仁二錢 羌活一錢 生薑三片 蘇葉三錢 桔梗三錢 大棗去核二枚 防風

二錢 甘草一錢五分 煮二茶盃先服一盃覆被令微汗不可使汗淋漓得

汗止後服不汗再服第二盃又不汗再作服以得汗爲度汗後避風只喫

粥須忌葷

丁亥十一 某四十 頭項強痛而惡寒脈浮而緊無汗的係傷寒法當發汗何得

妄爲冬溫而恣用涼藥

麻黃去節六錢 杏仁四錢 甘草四錢 桂枝五錢 煮三盃先服一盃覆被令

微汗周身體得汗止後服不汗再服○盡劑而汗始至足

十二 傷寒與麻黃湯頭項強痛已解脈不浮緊胃亦開但受傷太重陽虛體煩

畏寒與溫太陽經脈

桂枝 六錢 焦白芍 四錢 甘草 三錢 防己 一錢 杏仁泥 三錢 生薑 五片 廣皮

四錢 熟附子 三錢 大棗 去核二枚 煮三盃分三次服

十三 脈症仍舊陽未全復照前方加附子再服一帖服藥後不必啜粥

十四 痺症身痛大減惟足痛甚溼傷於下仍歸於下也仍與溫通太陽經絡

雲苓皮 六錢 桂枝 六錢 熟附子 五錢 生苡仁 六錢 防己 四錢 片姜黃 三錢

杏仁泥 四錢 甘草 三錢 海桐皮 三錢 煮四盃分早中晚夜四次服

十五 諸症向安惟六脈陽微之極仍以補陽爲要但去痺未遠宜通不宜守候

三四日後毫無遺症再議守補

雲苓塊 三錢 桂枝 六錢 生苡仁 二錢 熟附子 三錢 萆薢 三錢 炙甘草 三錢

煮三盃分三次服一帖

十七 脈沉細背脊仍有畏寒之意舌白滑苔頗厚寒溼未清猶未敢呆補

雲苓皮

五錢

桂枝

八錢

川草薢

四錢

生苡仁

五錢

防己

二錢

白通草

一錢

姜半夏

四錢

臍皮

二錢

炙甘草

三錢

熟附子

四錢

煮三盃分三次服

戊子正月十六日

史三十歲

脈浮洪而數頭痛身痛惡寒有汗此為太陽中風但中風脈

緩今洪數有力恐傳經也桂枝湯主之

桂枝

六錢

炙甘草

三錢

大棗

去核三枚

白芍

四錢

生薑

五錢

煮兩盃先服

一盃即啜稀熱粥一碗覆被令微汗佳得汗止後服不汗再服

十七日

脈之洪大已減頭痛身熱惡寒俱減餘邪陷入少陽乾嘔口苦與小柴胡

湯渴者加天花粉

柴胡

三錢

姜半夏

五錢

生薑

三錢

黃芩

三錢

天花粉

一錢五分

臍皮

三錢

大棗

去核二枚

炙甘草

一錢五分

煮二大盃分二次服

廿八日

脈靜身涼外感已解惟舌上白濁夾黃苔太甚胃口不清與宣通腑陽切

忌早食多食

姜半夏五錢 益智仁二錢 白蔻仁八分 雲苓皮五錢 小枳實三錢 廣陳皮

三錢 杏仁泥三錢 炒神麴三錢 白通草八分 煮三盃分三次服二帖

乙丑正月初五日 劉氏五十餘歲 太陽中風耽延五日不解衝氣上動宛若奔豚腹滿泄瀉

而渴兼有少陰症矣兩層兩感太陽少陽並見一兩感也其人積怒內傷又加外感此二兩感也可畏之至且先伐其衝氣

桂枝八錢 雲苓塊一兩 芎一錢五分 當歸三錢 川椒炭三錢 生薑五大

片 煮三盃分三次服

初六日 太陽少陽兩感衝氣上動如奔豚與苓桂重伐腎邪今日一齊俱解脈靜

身涼衝氣寂然可喜之至微有痰飲咳嗽當與和胃令能食

雲苓塊六錢 桂枝三錢 生薑三片 姜半夏五錢 廣皮三錢 大棗去核二枚

焦白芍三錢 煮三盃分三次服

乙丑正月二十日 錢四十歲 太陽中風汗多誤與收瀉引入少陽寒熱往來口苦脈弦與

小柴胡湯和法其人向有痰飲喘症加枳實橘皮去人參

柴胡 五錢 姜半夏 六錢 生薑 五錢 廣皮 五錢 小枳實 四錢 大棗 去核二枚

炙甘草 三錢 黃芩炭 一錢五分 煮三盃先服一盃寒熱止止後服盡劑不

止再作服

甘三 風入少陽與小柴胡湯已解其半仍須用和法寒多熱少而口渴較前方

退柴胡進黃芩加天花粉

姜半夏 三錢 柴胡 二錢 生薑 二大片 天花粉 三錢 炒黃芩 三錢 大棗 去核

二枚 炙甘草 二錢 煮三盃分三次服

己丑十一月十四日某歲 風寒夾痰飲喘咳吐血業已發汗身熱不退現已右脈洪大

數滑病勢太重勉與大青龍法去表藥加半夏

生石膏 四兩 雲苓塊 五錢 生薑汁 沖三小匙 姜半夏 六錢 杏仁泥 五錢 甘

澗水 八盃 煮三盃分三次服

十七日

傷寒痰飲吐血誤治喘咳脈數極與大青龍法去表藥加半夏身熱已

退喘已定惟咳血未除

生石膏

三兩

姜半夏

六錢

橘皮

三錢

雲苓皮

六錢

杏仁泥

五錢

生薑汁

沖

三茶匙

煮三盃分三次服

吳氏醫案卷一終

吳氏醫案

易經

五